


# 徐樹錚演義



# 徐樹錚講演目錄

- |     |          |          |
|-----|----------|----------|
| 第一回 | 識英才慨助進學堂 | 慕勢力納交貴介弟 |
| 第二回 | 段祺瑞統兵征武漢 | 徐樹錚用計取功名 |
| 第三回 | 存機心反對袁皇帝 | 爭權勢逼走黎黃陂 |
| 第四回 | 馮河間代理元首  | 段合肥三納總揆  |
| 第五回 | 借外債朋比爲奸  | 殺陸屠驕橫無忌  |
| 第六回 | 破壞和議另更代表 | 冒取功勞爵授籌邊 |
| 第七回 | 學生團愛國動熱潮 | 安福黨會商籌抵制 |
| 第八回 | 張敬堯坐失湖南省 | 段祺瑞怒調邊防軍 |
| 第九回 | 索印信逞兵團公府 | 使威風故意辱屬員 |
| 第十回 | 吳佩孚神算破邊軍 | 段芝貴落荒逃性命 |

第十一回 亞父將軍從天而降 賣國賊黨泗水潛逃

第十二回 施詭計務送中華國 拏罪魁咨文公使團

# 徐樹錚演義

## 第一回 識英才慨助進學堂 慕勢力納交貴介

詩曰 欲卜國家運盛衰

驗人邪正卽著龜

山公鑒衍未成日

蘇老辨奸識亂機

劉豫降金倡素願

王倫使鹵黨其私

効忠異族擢同類

難免天誅貽世嗤

這八句俚詞是說的國家盛衰。固然由於天命。然治亂却以朝中執政人物之正邪爲轉移。昔許劭見曹操曰。君治世之能臣。亂世之奸雄也。操大笑不止。誠自信其才可以濟世。其當承平之時。初爲北部都尉。宣威赤棒。權貴側目。不可謂非能臣。迨後身爲丞相。重兵在握。挾天子以令諸侯。猶施其撥亂之才。以平天下。亦能臣而兼奸雄者也。及許田射鹿而後。目無漢帝。盜國勢成。然能以保



國安民爲心。南定荆襄。北服匈奴。平遼東。克隴西。擒呂布於徐州。滅張繡於皖城。中原美定。四夷無驚。民賴以安。國基永固。眞朗謂千古無雙之奸雄矣。漢祚雖移。而中國人民。却受其福。非若後世晉之王衍。後唐之石敬瑭。宋之秦檜。張邦昌等。專心媚外。引狼入室。挾異族之勢。塗毒中國。結黨營私。只圖一己之富貴。不問舉國之安危。迨至明季。人格愈下。竟有吳三桂之迎滿洲入關。殺我人民。據我疆土。博取王爵。以享榮華。甘令祖國山河。淪爲腥羶之地。同胞族類。流爲左衽之人。爲奴隸牛馬者。二百餘年。今幸民氣振奮。共和國成。脫離專制強權之下。後見漢代衣冠。方思郡策羣力。共濟時艱。使五色旂。永建於世界之上。詎料又有一班醉心權利之流。樹黨擅權。以圖私利。外而聯絡強鄰。內而排斥異黨。明比爲奸。壘斷政治。恃外援爲護符。視國民若敝屣。擅作威福。假公濟私。朝士箝口。海內椎心。公就舉土地人民。賣諸他族。以供其私。如有訾其後者。非

以利誘。卽以威劫。使國中莫予違也。其才實過於秦檜張邦昌之流。而威權更勝於吳三桂降滿時也。此人爲誰。乃今之徐樹錚是也。樹錚姓徐氏。字又錚。徐州之銅山縣人。家室寒微。其父某。初業儒。以家給不足。棄而習賈。精會計。頗得肆主人歡。時樹錚尙幼。偶往店中覓父。肆主人見而奇之。謂其父云。此兒骨相非凡。他日必能光大君之門戶。所惜者鋒芒大露。眸子眊焉。若不善培植。他日得志。必爲國家大蠹。君旣有此令子。宜督責教養。使其敦品立行。庶不流入異途。以爲鄉里之羞也。况有用之材。譬如良焉。馭得其道。可以任重致遠。敦失其道。債轅出軌。禍不可言。何不令就外傳。使讀書明由。以受化其氣質呢。其父以家寒無力對。肆主慨然云。以有用良材。異而不教。殊爲可惜。余當助君以成之。今與君約。請割愛令其入塾。所有學費。由本店任之可也。其父深感肆主之義。當卽長揖稱謝。又命樹錚叩拜。遂歸家以語樹錚之母。其母系出儒門。頗明禮

教。雖膝下止此一子。絕不因寵愛之故而任放縱。亦以肆主之論爲是。於是遂令樹錚出就外傳。每於晚飯浚紡績之時。輒令樹錚立於身旁。考其一日功課。又爲之講解忠孝節義。及古豪傑之事。以發揚其志氣。及明日必無樹錚覆講一遍。有不合處。則鞭責隨之。絕不稍事姑息。督責過於嚴父。眞賢母也。稍長。其父病亡。學費仍由肆主供給。其母因受人恩惠。若不能成立。卽爲辜負深恩。故督責過於其父在時。恆於鞭責之後。竊竊飲泣。然當面毫無溺愛之情。有過不稍寬貸。矣母用心。亦良苦矣。迨十餘齡。樹錚與里中羣兒戲。好爲戰爭之事。削竹爲刀。揭竿爲旗。分兒羣爲南北兩隊。自任北隊總指揮。今黃姓兒爲南隊司令官。黃姓兒長樹錚三歲。機警遜樹錚。而勇猛過之。每逢放假之日。集羣兒於庭前。南北對壘。於庭之中心。劃分戰線。此往彼來。無異戰鬥。事後雖和好如故。然當接戰之時。兩方之情形頗極險惡。後徐母以樹錚作此危險嬉戲。恐有誤。

傷乃禁止之。樹錚與羣兒議移往黃氏家中。放假之日。不以告母。終日登壇拜將。彼此持此以爲樂。如是者數閱月。一日竟演出一極可怖之慘事。事後樹錚不敢回家。逃匿離城四五里之某寺中。其母四出找尋。杳無蹤影。數日後。有鄰歸往某寺燒香。見樹錚蓬頭垢面。偃臥廡下。狀如丐兒無異。乃歸告其母。其母親至該寺。挈之歸家。禁錮家中。不令出外者年餘。從此輟學。而樹錚好勇鬥狠之心。始稍稍斂戢。先是有同塾某兒。嬉戲時常屬於黃兒隊下者。懷一物至塾中。形如地球儀。中有機振。能自旋轉。爲樹錚所見。索之不得。欲以他物交換。亦不可。後竟贈與黃兒。樹錚知之。恨甚。以爲薄於己而厚於黃兒。思報之以洩此忿。會塾師有病。放假已數日矣。樹錚與羣兒無日不在黃兒家中嬉戲。這日下午。樹錚到黃兒家時。某兒已先在。正與黃兒擊球爲戲。狀至快樂。樹錚亦欲參入。某兒不可。樹錚觸起前忿。以爲今日不報此讎。更待何時。頃之羣兒齊集。仍

爲持擊之戲。樹錚見地上有碎玻璃一牙。卽俯拾在手。及某兒衝鋒靠近時。樹錚出其不意。用力將玻璃牙向某兒面上擲去。但聽哎呀一聲。登時倒地。血流如注。不醒人事。樹錚闖此大禍。羣兒驚駭無措。或則奔避回家。或走告樹錚之母。其年歲稍長。及略有知識者。紛紛議論救治之法。樹錚却趁此紛擾之際。潛逃而去。明知羣兒中必有往告其母者。歸必受重責。况某兒倒地之後。血如泉湧。不知有無性命之虞。故決計行三十六着之上策。惟年幼不辨道途。只得遂意走出城去。及至某寺門首。夕陽欲墜。山門將閉。樹錚遂潛入寺內。屏氣斂聲。蜷伏於神龕之下。明日不敢外出。又明日。聞外面寂無動靜。而腹中又飢餓難堪。勢不能再忍。思詣僧前。丐求粒米滴水。聊充飢腸。奈兩足疲不能行。匍匐而出。才至候下。暝龍暈去。僵臥於地。不意適爲隣歸所見。急歸而告其母。其母始得挈之歸家。從此禁錮家中。不敢放其出門。恐其廢學。不得已親自課讀。樹錚

惟雖凶蠻。然其天資穎悟。讀書過目不忘。所爲文有戰國策士之風。自謂學出縱橫家。不難立取卿相。時清廷廢止科舉。士欲通顯者。非進身學校不可。樹鐸乃請於其母。願往日本留學。庶幾歸國之後。得以置身仕途也。不枉母親教養之苦心。其母乃名門之女。本不欲夫與子以白衣終。夫既不得志於時。異仕就商。鬱鬱而卒。安可不勉子上進。以慰亡夫泉下之炙。今兒子既有此志。自當允其所請。惟恐兒子野心難馴。却不能釋然於懷。遂戒之道。汝欲留學東洋。以爲日後顯親揚名之計。爲娘的心裏却極歡喜。斷不肯阻爾上進之志。然而求學之道。當務其大者遠者。要以致君澤民爲心。決不可以置身通顯。卽爲盡求學之能事矣。爾去到外洋。務必要勵志向學。親君子。遠小人。敦品立行。候畢業回來。卽不能衣紫腰金。也不失爲一鄉表率。若能如此。方不負爲娘的苦節教育之心。若違吾言。使我難見爾父於地下。豈不將我十餘年含辛茹苦之功掃地。

嗎。爾其勉之。樹錚唯唯聽命。其母勤儉。善持家。稍有積蓄。但出洋留學之費。一時驟難備出。所蓄不敷。又多方告貸。典質簪珥。始克敷衍起行。既東渡。肄業於日本士官學校。朝夕勤學。每試輒冠其曹。時段祺瑞之弟名祺勳者。與之同學。樹錚探知祺瑞爲袁世凱心腹。卽與攀龍附鳳之心。遂竭力納交祺勳。課餘之時。常偕祺勳至密室聚談。狀至親熱。每星期日。則又同往公園等處遊玩。祺勳意所欲者。樹錚無不百計致之。其先意承志。敬謹伺候之狀。雖孝子事親。無以過之。某日日人行提燈會。慶賀某事。此事在日本視爲極榮。實卽我國之大辱也。留學生中。稍有人心者。莫不歎息痛恨。而樹則獨邀祺勳同出觀燈。途經人多聲雜之處。兩人不能相顧。遂分散。樹錚以爲祺勳必先返寓。已乃一路遊觀。及至寓中。詢之。知祺勳尙未返寓。心中狐疑。以爲祺勳素寡交遊。必無借宿他處之理。若謂先迷路途。街上人力車甚多。儘可僱車返寓。何以時交半夜。不見

轉來。輾轉思維。不得要領。東方才亮。卽出尋訪。詢之警察。告以如何面貌。如何衣履。均云未見其人。此時樹錚如失至寶。一副憂愁狀態。真不可以言語形容。無奈只得垂頭喪氣。緩緩回寓。而段祺勳已在寓中矣。樹錚詢其未歸之故。祺勳云。昨晚燈過之時。人聲鼎沸。勢如潮湧。站立不住。與君失散。適遇故友某君。係留學日本速成法政者。強勸入妓館之中。鬧了一夜。樹錚聞之。並不加以規勸。從此妓館之中。常有二人之蹤跡矣。正是膠漆情深非慕德。朱藍相染爲趨炎。欲知後事如何。且聽下回分解。

## 第二回 段祺瑞統兵征武漢 徐樹錚用計取功名

話說徐樹錚與段祺勳二人。自同逛妓館之後。交情更是密切。及畢業後。二人先後歸國。樹錚寒士無援。鬱鬱不得志。乃縱情牧豬奴戲。以自排遣。下晝下夜。屢戰屢北。積數月債負纍纍。幾不能以自存。時段祺瑞提督江北。樹錚乃走書

祺勳託其向乃兄說項。冀得一枝之棲。書中附一軍事條件。洋洋灑灑。不下數萬言。祺勳篤於友誼。接書之後。卽速將條件進呈祺瑞。祺瑞展閱之下。大賞其才。立命祺勳作覆。囑樹錚速赴提署。聽候錄用。祺勳奉乃兄之命。立刻繕就覆信。交郵局寄去。孰料此信抵銅山時。正值樹錚逃避鄉間。蓋樹錚以屢敗之後。思作孤注之一擲。乃以假言誑母云。有友人某君。在東京作大宗買賣。富於商業經驗。能操必勝之權。此番因辦某項實業。大局已成。尙缺流動資本數千金。欲請一位經理。有能填此數千金者。方爲合格。薪水酬勞。格外從優。兒現在賦閑無事。失此機會。殊爲可惜。欲想營謀。又無從得此鉅款。惟有求母親向親族中竭力磋商。若孩兒得有寸進。卽母親亦可免終歲勤勞矣。其母初不之允。繼思某君少年老成人。極可靠。其父在日。固與樹錚之父爲莫逆交。後因隨其叔往東京貿易。遂爲商界中之鉅子。其人之品行才具。素所深知。今以資本缺乏。

擬請經理填補。自是意中之事。况實業一項。亦爲今日要圖。舍求友之虛名。而務獲利之實業。計亦良得。乃出其連年辛苦之積蓄。一千餘金。又貸諸親族之中。共湊三千全之數。授與樹錚。命其趕往某君處。免爲捷足者先登。錚樹賺得此款。遂往賭場中豪賭。未及一周時。又囊空如洗矣。此時樹錚嗒然若喪。欲歸不得。乃避往其舅家。舅居鄉間。離城約十餘里。以訓蒙爲生。此時將近中秋。樹錚以探望舅父母爲名。且迷其母思念之切。其舅信以爲真。乃留之飯。飯罷又託言精神困倦。微有不適。舅云外甥旣不適宜。何妨在此下榻。及明日。樹又詭謂其舅云。甥住宿一宵。覺得鄉間景物清幽。絕非城市塵囂可比。欲覓一椽之地。領略清氣。以爽精神。未知舅父可肯俯允。舅云外甥旣然愛此境地。儘可盤桓幾時。何必急急歸家。樹錚大喜。轉瞬已屆中秋。其舅放假一日。進城去看望乃姊。默察樹錚似無回家之意。未便強其同行。及抵樹錚家中。見其母淚痕滿

面雙銷愁眉。急問道。姊姊何故鬱鬱不樂。徐母見了。乃弟益覺悲酸。眼含痛淚。便將樹錚因賭負債。以及謊言貿易。騙取鉅款之事。詳述一遍。其舅聞之。恍然大悟。始知樹錚之愛居鄉間者。爲避債之故。遂將樹錚至鄉頗末。約略述過。且云私蓄卷去。債台增高。長此一往。終非了局。務令樹錚速覓生計。尙可補救。否則母子二人。何以爲生呢。徐母云。微弟言。吾幾忘之。在不肖兒兆避之日。郵局遞來一信。折閱之下。知是段祺勳代樹錚介紹江北提督差遣之事。當此人浮於事之秋。迂延日久。此事爲人攬去與否。殊難懸揣。但無論如何。必須不肖兒趕往提署。聽候消息。以免辜負朋友一番盛意。其舅道不錯。待我趕緊回家。將此信交其閱看可也。及暮。其舅回家。樹錚已醉臥書房。鼾聲雷動。將其喚醒。出信授之。樹錚閱畢。躍起道。今而後大丈夫有用武地矣。其舅見狀。令速往。樹錚哀懇道。甥之事。舅父諒已盡知。不得不乞援於舅父。甥來之時。已經兩手空空。

此時鋪陳物件。一概沒有。欲歸家請於老母。既恐觸老母之怒。又恐爲債戶所逼。脫身不得。關係非輕。務懇舅父曲賜矜全。假我箱器鋪蓋各一。以壯行色。他日苟有成就。不敢忘舅父大恩。其舅乃忠厚長者。以姊之故。乃爲之布置一切。樹錚及買棹到江北提署。先授刺往候祺勳。祺勳知有軍事要差。因待樹錚不至。適已委人。又因住於軍署內。不便邀之。樹錚內宿。囑其暫宿於近署之逆旅中。明日祺勳偕其晉謁。乃兄諮詢數事。樹錚條對詳明。祺瑞大加贊賞。惟一時無從位置。乃命在署中權爲書記。俟有相當缺出。再行委任。樹錚既授段氏署中事。能窺伺意志。故頗得合肥之歡心。逾一載。朝命合肥督辦講武堂。合肥環顧左右。以爲優於軍事學識者。以錚錚爲第一。乃奏派爲講武堂教員。繼則由教員而兼教練長。此爲樹錚服官之始。時清廷銳意維新。力圖自強。樹錚乘此時機。朝達一設。暮上一書。無非關於軍事之改革。合肥愈爲愜意。寵愛之心。

冠於儕輩。謂左右云。若樹錚者。眞吾之子房也。未幾民軍起義。清廷命合肥爲第二軍統。促其率師南下。與民軍開戰。樹錚伺無人時。密謂合肥云。國民苦滿族久矣。凡屬黃帝子孫。孰不欲驅而逐之。以雪二百六十年之恥辱。今茲革命之軍。誰非吾之同胞。軍統正可利用此絕好時機。以擴張我北洋系之勢力。暫作壁上觀。以待兩方之勝負。而後動。幸而民軍勝。我輩既未與之開戰。卽不失爲共和之元勳。不幸而民軍敗。吾輩且隨項城爲進退。再作他計。也不爲晚。合肥頗以爲就。故馮國璋之第一軍。與民軍戰於漢口之南。而合肥則盤事彎弓。引而不發。其部下軍官之不明意旨者。往往以作戰爲請。合肥則云。奉袁宮保命。暫且停戰。不日將有議和之好消息也。實則合肥聽信樹錚之言。密電項城。項城閱電後。大爲驚奇。以爲吾之心歹。如何盡被他人窺破。乃覆電合肥。准其節制部下。待時而動。自此合肥之倚畀樹錚。非他人所可比擬。識者謂徐樹錚

服官清室。位雖不顯。然其明於料事。忠於事主。無異段氏陪臣。是誠確論。當辛亥起義之秋。北方將帥。主和戰者。各得其半。時馮國璋與民軍激戰。又得薩鎮冰海軍之助。清軍直入漢口。民軍死傷過多。斯時之革黨。亦危乎殆哉。苟無段合肥聯電贊成共和。則數千年專制之國。一躍而爲民主之國。恐無如此之速。此事在表面觀之。莫不謂出自袁項城之授意。其實內幕之中。皆樹錚一人爲之主謀。樹錚在合肥左右。人皆以少年輕之。雖合肥信用之心甚殷。然而毀之者。幾有接踵之勢。非曰少年氣勝。卽云學無根柢。合肥所以不敢驟擢之高位者。亦由於此。樹錚並非不知。奈因勢力不敵。無可如何。於是內則揣摩意旨。外則審察時勢。要思特當以白表見。適遇光復之役。清廷起用袁項城。項城次師武漢。不與民軍交綏。樹錚探知項城意之所在。乃勸段首先倡議贊成共和。聯合統兵大員四十二人。電達內閣。奏請清帝遜位。俾成民主之國。電文中大意。

謂民心傾向共和。應請早日退位。以應民心。宣布共和政體。早定大局。而免生靈塗炭云云。自此電發出後。各省獨立。紛紛響應。清廷見大勢已去。軍隊不爲己用。不得不下詔退位。應民心理。樹錚於此時。始巉然露頭角矣。及共和告成。段祺瑞長陸軍。乃荐之爲陸軍次長。以期合手。惟查當日段之左右。軍事之長。學識之優。豈無過於徐樹錚者。何以次長一席。獨爲樹錚攫去。蓋以一電之功。使民國得以統一。共和早日告成。政府酬段以陸長者在此。段報樹錚以陸次者亦在此。况總長次長。總有連帶之關係也。且此時段部下之軍官。傑出者不乏其人。然能如樹錚之迎合己意。凡事從心所欲者。實不多覩。故有時不次之荐拔。而樹錚未來之事業。皆於此發端矣。樹錚既爲陸次。其在部頗南趣聞。夫樹錚乃日本士官學校卒業生。其平日之志願。既以親日爲宗旨。故其施行之政策。亦以聯日爲目的。一日有某軍官請發餉項。赴部謁見總長。時段總長事

務甚繁。無論在部與否。凡來部竭投者。皆委次長代見。樹錚詢傳達之人。來人狀貌如何。其人云。狀似東洋人。身體矮小。八字鬚鬚。手攜皮色一。現東會客室等候。是日因有某項交涉。樹錚適與日本某中將有密約。誤爲必係某中將代表來訪。遂倒屣出迎。極道抱歉之意。攜手入內。屏去從人。該軍官見樹錚如此優禮。詫諤不知所云。請發餉項之事。囁嚅不敢出口。樹錚又以未帶繙譯之故。乃與之語。日語軍官更覺茫無頭緒。如是者久之。始悟樹錚必有誤會。乃致敬而言道。部屬奉某督之命。因欠發餉項。已經三月之久。恐軍心浮動。特謁鈞部。請速如數撥發。樹錚聽其說出請餉之事。面帶怒容云。旣爲請餉。何不直說。故作此半吞半吐之醜態。余公事極忙。無暇與汝細談。明日來伐某司長可也。言罷。撫衣而入。正是。只爲惱羞遂愛怒。小人勢力亦堪嗤。未知後事如何。且聽下回分解。

第三回 存機心反對袁皇帝 爭權勢逼走黎黃陂

話說徐樹錚當時惱羞成怒。拂袖而入。某軍官亦唯唯退出。樹錚命喚傳達人入內。責以輕事重報。致誤要公。着卽停止服務。以爲服役不慎者戒。傳達人未知開罪之由。求某科長爲之緩頰。樹錚並斥某科長云。如此昏曠之人。尙敢爲之說情。則平日之任用私人。不問可知。遂以此罪免去某科長之官。某科長畏其勢力。敢怒而不敢言。實則樹錚因老羞成怒。恐傳達人洩其事於下人。故爾停其職務。及某科長爲之緩頰。又恐洩其事於同僚。並呈請免去其官。嗚呼。以一己之誤會。演出絕大醜態。既不返躬自責。而又累及他人。其心思之儉詐。手段之惡辣。於此可見一斑。然樹錚爲人之機警。誠有過人之處。其一生功業。當以反對帝制爲最足驚人之舉。當袁項城帝制發生之時。樹錚因思平生知己。惟有合肥一人。帝制成則合肥之勢力盡失。而自己之地位亦不能保。乃勸段

極力反對。項城知合肥爲己所親信之人。斷無絕然反對之理。此舉諒出於樹錚陰謀。乃免去其官。並段亦下野。會西南舉義。競樹討袁旂幟。項城命曹錕張敬堯出兵征討。樹錚陰爲合肥畫策。牽掣兵機。雖統率辦事處。日促曹張輩進兵。而前敵之形勢。日益迂緩。時陝西將軍陸建章。爲項城死黨。樹錚促師長陳樹藩。逐去建章而代之。以陝西獨立。於是西南之聲勢日盛。而項城之帝制。遂倒。項城因而致病。恆中夜徘徊室中。頓足云。不圖數十年之威名。竟敗於鑿子之手。言畢倒床而臥。椎胸者再。樹錚聞之。謂段云。項城將不久於世矣。越二日。項城果卒。樹錚乃進謁段。合肥云。爲今之計。宜請黎黃陂繼任總統。以安民心。而後我公乃可組織責任內閣。黃陂爲人忠厚有餘。而威嚴不足。吾輩正可利用之。以厚植同黨之勢力。發展平日之政策。其有不附己者。則罷斥之。惟意之所適者可也。合肥曰善。此後政由汝出。余惟垂拱而已。於是遂迎黃陂爲繼任。

總統。段始組織責任內閣。就任之始。卽下令通緝帝制派。以壯聲威。而排異黨。蓋樹錚此時。雖然權傾朝野。猶恐帝制餘孽。陰掣其肘。名雖爲項城報仇。實則建一己之淫威耳。大局已定。合肥以樹錚主持反對帝制之功。再荐爲陸軍次長。且以院秘書長一席。與總理卽密切之關係。乃令樹錚兼任。樹錚以一身而兼二役。位雖在閣員之下。權却在閣員之上。其時政客軍人。欲得合肥之歡心者。必先結好樹錚。以是樹錚始得上下其手。彼所好者。合肥亦好之。彼所惡者。合肥亦惡之。一日閣議某項內政。與內務總長孫洪伊意見不合。竟致大起衝突。閣員中段派人物居多。故偏袒樹錚者亦佔多數。其餘中立者。皆默默無言。閣議散復。樹錚與段派閣員。私議云。孫洪伊爲民黨鉅子。不去此人。必爲合肥掣肘之患。不如事事與之反對。使其不安於位。而自去。衆人聞言。莫不鼓掌稱善。自此樹錚與洪伊。透事負意氣。積不相能。久之。洪伊無去意。樹錚乃誣洪伊

私通報館。多洩機務。非解職不可。洪伊則謂樹錚挾制元首。罪大惡極。宜有以懲之。唇劍舌槍。此往彼來。各不相下。於是二人之嫌隙。遂日演而日深。卒賴今之徐大總統。出而調停。令洪伊自去。而免樹錚之兼職。然其爲陸軍次長也。依然如故。權勢炙手可熱。人民莫不畏之。洪伊益忿。遂南下之滬。瀕通電揭合肥與樹錚之劣跡。並往說前大總統馮國璋。聯絡民黨。以制合肥。其後孫文入粵。組織元帥府。以及後來吳佩孚馮玉祥通電主持反抗合肥。皆出於洪伊運動之力。凡此皆樹錚兼掌秘書時。所造之惡因也。此是後話。這且慢表。再說當項城破壞約法。取銷責任內閣制後。大權總操之元首。及合肥正式組閣。務爭公府權。黃陂左右積不能平。勸黃陂威權不可下移。獨斷獨行。自是案牘多所批削。樹錚挾其反對帝制之功。堅持不可。說合肥曰。吾師費盡九牛二虎之力。推翻洪憲。再造共和。削除六君子十三太保之屬。俾黃陂得以安居元首之尊。責

任內閣制度。不復見專制淫威。何意黃陂優柔寡斷。羣下擅作威福。欲效項城之故智。集大權於一人。視內閣如贅疣。吾師大度色容。不與爭一日之功。自願退居於閒散地位。其如爲天下人所笑罵何。且安知黃陂左右之人。非卽六君子十三太保之流嗎。不轉瞬而重演帝制之禍。而若輩居心叵測。有鑒於洪憲之失。處處出以陰謀狡計。使吾師防不勝防。而天下人民。胥受其害。爾時吾師雖疾首痛心。恐已噬臍莫及矣。爲今之計。惟有與府中力爭事權。無論內政外交。非候內閣批示。不生效力。大總統理當端居無爲。不得以己意率行之。其左右之人。查有竊弄政柄者。宜加以嚴懲。使知吾師有無上之功。內閣有莫大之權。事事須得總理之同意。方能令行國中。倘敢不交閣議。輒申府中自行批判。無論若輩之心目中。不知總理之尊。卽總統亦爲蔑視吾師。以吾師之勤勞。而反受羣小之侮弄。是可忍孰不可忍。吾師卽不爲同黨之勢力計。獨不爲己之

威名計嗎。時合肥納梁任公之議。主張加入協約。提出對德絕交案。黃陂左右如饒漢祥。哈漢章輩。均極力反抗。同樹錚言。合肥乃負氣出京。樹錚知合肥與黃陂之惡感。已爲自己挑起。更以威嚇之言。使人聞諸總統云。總統之命運。卽懸於合肥之手。今茲對德之案。如國會不予通過。則解散之。解散國會者。卽所以推翻總統也。及提出此案之明日。有所謂公民請願團者。包圍衆議院。強迫通過。然於宣戰問題。仍議從緩。樹錚又譖於合肥云。凡是國會之牽掣。皆出於總統之指使。合肥愈加憤恨。遂授意各督軍。由督軍團通電。倡解散國會之議。意欲藉以挾制黃陂。而黃陂竟毅然免合肥之職。於是浙督楊善德。首先獨立。倪嗣冲。張懷芝等。繼之。卒起張勳復辟之禍。誰爲厲階。至今作梗。不得不歎息。痛恨於徐樹錚也。當合肥既已下野。各督軍紛紛宣告獨立。公舉張勳帶兵北上。以兵力迫散國會。辦師乘此時機。納康有爲萬繩械之謀。實行復辟之舉。倉

粹間頒下詔令。於是都門之內。購翎頂。辦朝服者。無不脚靴手版。鼓舞從龍。而不知在野之段合肥竟。意爲樹錚所慫恿。馳入陳光遠營中。在馬廐誓師討逆。以成三造共和之偉勳。原因復辟之密謀。實起於徐州會議。事在民國五年。項城逝世後之三日。辦帥借擁護中央爲名。開會議於徐州。宣布條件十則。其第一條。卽爲尊重優待王室之成約。復辟之禍。實基於此。其時馮國璋倪嗣冲皆在贊成之列。卽徐樹錚時爲段合肥派去代表。亦預議。未示反對。曹錕則以所議告於今大總統徐東海。東海謂復辟斷不宜行。行則於清室不利。及民國六年七月一日。辦帥在京師。毅然行之。其意爲復辟之謀。平日與各督軍大都已經接洽。所未示可否者。僅段祺瑞一人而已。今正免職間居。手無寸兵。何能反抗。故漫不爲備。孰知從段討逆者。相繼而起。辦兵大敗。帥辦逃匿荷蘭使館。憤而告人云。徐州會議。簽名主復辟者。其人皆在我將以之宣示國人。蓋因從合

肥討逆者。實多預議贊成之人。事定後。合肥二次組閣。並沒有元首命令。無以爲成立之實證。時黃陂蒙塵。避居使館界。電請河間代理職務。尙未蒞京。就任。樹錚乃造謁黃陂云。張康復辟。國體動搖。合肥以在野之人。與師討逆。三建共和。總統將何以待之。黃陂聞樹錚之言。知爲合肥誇大功。卽所以顯自己贊助之力。遂云。吾不能防患於事前。以致變生肘腋。害及生靈。尸位之咎。自知難免。故已向國民辭職。河間行將入都。信賞必罰。俟之後人。吾已無權處置國事矣。樹錚無言而退。卽以令發表內閣成立。蓋因舊國會已經解散。不費絲毫手續。自能再改國政。合肥以樹錚助討辦帥之功。仍復其原官。一面電催馮河間就代理大總統任。而平日倒黎之計。至是乃完全告成矣。正是狡謀既逞。償心願。一將成功萬首枯。未知後事如何。且聽下回分解。

#### 第四回 馮河間代理元首 段合肥三納總揆

話說黎黃陂既倒。河間宣告代理大總統。懼合肥之剛愎擅專。徐樹錚驕恣陵上。一旦身入圍城。恐爲皖派所困。故於北上時。隨帶十五師爲拱圍軍。十五師乃河間嫡派之師。頗稱勁旅。一面舉李純代爲蘇督。舉陳光遠代李督贛。爲長江三督之聯盟。以爲內援。一面又通欵於岑春煊。陸榮廷輩。要結南人。以爲外援。然後入都就職。凡此部署。皆所以防合肥。而合肥初弗之知。時樹錚方詡討逆之功。遇事專橫。旁若無人。其勢更甚於黃陂時代。河間視之。如芒刺之在背。力謀所以挑皖派。乃先罷樹錚職。樹錚北走奉天。以副座爲餌。說鬚師擁兵入關。作示威之行動。截奪購自日本之軍械於秦皇島。自稱奉軍副司令。立軍部於天津之軍糧城。自是東奔西走。行蹤詭密。其惟一之宗旨。無日不欲以倒黎者倒馮。遂開會於天津。集議倒馮之策。在座之人。有倪嗣冲曹錕輩。合肥心地光明。胸無城府。初不知北洋系直皖兩派之勢不兩立。故對衆宣言云。國璋與

余同受知於袁項城本爲北洋兄弟志同道合。素無惡感。今茲先敗。乃天不助余。非國璋之罪也。蓋合肥二次組閣。國會議員紛紛赴粵。兩廣既宣告獨立。湘省又發生戰事。合肥欲貫徹其平南之計畫。故使傅良佐督湘。良佐湘人。又爲合肥爪牙之士。不意甫至湘省。零陵鎮守使劉建藩。卽宣告獨立。以抗良佐。而良佐卽所以抗合肥也。其時良佐倘有實力。零陵之變。不難以武力平之。無如良佐部下。僅有少數衛隊。戰鬥之事。專恃范國璋與王汝賢。此二人平日皆附河間。至是陰受河間意旨。匪惟不助良佐却敵。且電請停戰。以迫良佐。良佐棄湘督而逃。於是合肥平南計畫。驟遭一大打擊。而二次之段閣又倒矣。樹錚洞燭河間之陰謀。故於合肥倒閣之後。卽奔走於徐州蚌埠之間。聯絡蚌督。非達到主戰目的不可。今聞合肥宣言。知非挑起馮段惡感。必不足以倒馮。乃將河間授意范王以致良佐失敗之原因。在議席上細述一遍。合肥始恍然大悟。於

是倒馮之策。一任樹錚所爲。樹錚熟知河間之爲人。首鼠兩端。除陰有餘。而剛強不足。臨之以威。自然不敢抵抗。故乘會議散後。卽與蚌督議云。聞河間將以出巡爲名。親赴長江一帶。要結各督軍助已。一致進行。屆時吾公出其不意。截住半途。以起用合肥爲要求。役惕於奉軍之拊其背。吾公之扼其前。自不敢不允從也。乃未幾而河間果親赴長江流域。欲令各督軍助已。以鞏固其勢力。不料才至蚌埠。蚌督卽盛陳軍容。卽以起用合肥爲請。馮大窘。知鬻帥之截械。蚌督之要求。皆出於樹錚狡計。今欲解重圍。自非起用合肥不可。遂匆匆回京。願下罪己之詔。復任合肥爲內閣總理。此爲樹錚威嚇河間之結果。而馮段之惡感。自此日結日深。遂激成今日直皖之勢不兩立也。迨合肥三次組閣。因欲貫徹其主戰之計畫。不能不以借債爲急務。然借債之經手人。盡人皆知爲曹章陸輩之親日派。殊不知內幕之中。樹錚實有主動力也。總計樹錚主張所借之

日款不下六億萬元。其抵押條件。雖合肥亦莫名其真相。如中日軍械借款也。軍事協定也。高徐順濟抵押也。籌邊銀行設立也。凡前經營。無非供武不與政黨之需索。從未飽入私囊。以圖一己之快樂。但樹錚素性揮霍。酷嗜賭博。又好作狹邪遊。所有逋累。俱恃此款爲彌補之處。其狹邪之資。言之殊是驚人。當其兼國務祕書時。阿附合肥。擅作威福。凡有外省官吏。或蒞新。或入覲者。則必作壽爲名。以遂其聚斂之計。曾有某省督軍將赴新任。適樹錚前夕在某俱樂部作長夜之豪賭。一擲以金錢數萬。計及終局。統計樹錚所負。共一百二十餘萬之多。有人所謂一擲千金者。蓋有塊色矣。樹錚還家。心覺不甘。欲思一失之東海。收之桑榆之策。忽有某督到來辭行。閹人持名刺入告。樹錚見之。面有喜色。遂命請至第三會客室。閹人出引某督入。某督以爲必有機密事。故如此慎重。蓋樹錚此時勢焰赫赫。家中有會客室三處。普通者入第一會客室。顯達者入

第二會客室。特別而有要緊事者。始可入第三會客室。凡往來於樹錚之門者。莫不知之。某督往謁樹錚。已非一次。從未如今日之優待。故疑有緊要事件。恭肅其容人。及至會客室門外。樹錚降階出迎。面色非常和霽。某督滿腹狐疑。不知其意。蓋樹錚平日會客。狀志倨傲。客至奔走其門者。非俟至數小時不得入見。見則往往自居上座。慢不爲禮。今日某督督竭。甫入通報。卽刻請見。及至會客室門外。又見樹錚降階相迎。勿怪其疑團莫釋也。當時樹錚與某督攜手入室。獻茶已畢。樹錚遂縱談近日遊興。絕不及軍民要事。約兩小時。某督仍主喻其意。因起立云。今日弟來拜謁。一則明日動身赴任。特來辭行。二則恐有要言。請示機宜。樹錚佯笑云。微兄言吾幾忘之。總理有命。囑弟俟兄蒞任時。預往邸中報知。未知有何意旨。今日晚旌將發。而弟以適屆賤辰。承某某諸君雅意。將擇日爲弟稱觴。却之不恭。受之有愧。不得不略事布置。以盡一日之歡。吾兄亟

於蒞新。不敢勉強。總理處請命一節。容弟私事告竣。卽往請示。再行報聞可也。某督聞言。遂說道欣逢華誕。焉有不來祝賀之理。如有效力之處。弟當略盡犬馬之勞。樹錚云足感吾兄之盛情。然弟以家母之命。當此天災流行。民不聊生。野有餓殍。務宜持節浮費。以濟民困。故萬不敢過事鋪張。如諸君必以厚儀見惠。弟當湊集成數。移作善舉。未識吾兄亦樂表同情否。某督云。如此最善。弟當告之某某諸君。以成我公仰體賢母之志。言畢告辭而去。及往晤某某諸人。詢以何日爲樹錚作壽。僉云不知。某督回寓。細思樹錚之言。主意何在。終不得其要領。乃徑訪樹錚左右之人。問以何日生食。及如何排場。左右云。主人誕辰已過。前日從某俱樂部賭場回家。聞輸去百萬餘金。忽命家人擇日齋星。以爲祓除不祥之計。囑對人言。均以作壽爲名。且禮物若非現洋。則一概不受。某督始悟其用意。原爲聚斂。只得以重金私往餽之。此後樹錚貪婪之心。日見擴允。對

於外省督軍省長之入覲者。不問其地方之風土民情如何。必先詰其地方之肥瘠。利益之多寡。而後問其需索分肥。以飽欲壑。稍拂其意。則多方阻難。使之不得回任。蓋樹錚長院秘書時。用人之權。一秉諸內閣。人欲結好合肥者。必先結好於樹錚。故得高下其心。上下其手。其法維何。卽分其所得之民膏民脂。以供樹錚之揮霍而已。當時有某督入覲。樹錚聞其積得造孽錢有三四百萬之鉅。欲索其半。某督不可。樹錚乃潛於合肥云。此番某某入覲。於公府方面頗致殷勤。其存心之陰險。舉動之妮秘。非吾輩所能窺測。宜思所以防之。否則將不利於吾師。合肥云。以汝所言。計將安出。樹錚云。其心雖險。其跡未露。若遽奪其任。難以服人。最好是調京任用。而暗奪其兵權。若輩雖狡。亦無從施其技矣。合肥信以爲真。遂提出閣議。將某督調京。案雖通過。尙未發表。當時閣員中有與某督至親者。不知某督調京之由。乃密掠合肥之左右。知因樹錚一言。致有此

舉。遂亟往晤某督云。君於何時開罪樹銓。致干合肥之怒。而發生今日之閣議。某督愕然。轉詢開罪之由。及所議何事。某閣員遂告以調京任用。及提出此議之由來。某督自審從何開罪之處。思之再三。始恍然知樹銓以索詐不遂。假公報私。乃以其情告之。某閣員曰。君何昧於事理耶。正是盜賊得贓方竊喜。詎知捕役振貪囊。未知後事如何。且聽下回分解。

### 第五回 借外債朋比爲奸 殺陸屠驕橫無忌

話說某閣員聞樹銓因需索不遂。假公報私。致與爲難。遂責某督不識時務。說道。夫金錢勢力。皆爲人之第二生命。有勢力則不患無金錢。今君以愛惜金錢之故。致將現有之勢力而失之。恐勢力失而金錢亦不可保。其危險且有不可思議者。爲今之計。惟有速往晉謁樹銓。願以若干爲壽。不須提及所懇之事。繁鈴解鈴。彼自有轉圜之術。某督無奈。只得忍痛割半數與之。卽託某閣員爲居

間之人。樹錚受某督之金。告某閣員云。請某某稍安毋躁。靜待後命可耳。未及旬日。閣議改授該督爲某省督軍。至其如何措詞。不得而知。要之非約金錢之魔力。斷難轉福如是之速。且以見錚樹之擅作威福。真有炙手可熱之枕。前之託壽斂財。猶是巧取。乃貪官通病。此則硬敲竹槓。實爲強奪。豈非胆大妄爲人言責責。風聲漸漸吹入合肥之耳。但護短偏祖。不肯發作。不過暗暗勸其顧惜聲名而已。後來樹錚稍稍斂跡。無奈揮霍成性。債台高築。迨合肥三次組閣。樹錚益無忌憚。遂主持大借外債。以黃澈合肥武力統一之政策者。實欲將其敲詐之智。改作侵蝕之心。至於曹章陸諸人。本爲親日之健將。賣國之金剛。今得樹錚密授意旨。務與日人磋商。各項借款。既可以見好友邦。實行其平素賣國之計。又可以索取佣金。積得無數造孽之錢。得罪國民。自有樹錚一人負責。又何憚而不爲耶。曹章輩共議。凡屬借款。賴錚樹主持於內。所得回頭款項。當以

半奉樹錚。經手人共分其半。於是四大金剛。與樹錚遂朋比爲奸矣。樹錚每有宣布。需借日金若干。彼輩無不竭盡暫慮。分頭接洽。以顯其感恩圖報之誠。當安福部成立時。樹錚因收買黨員。須各界以重金。合計此項費用。數在千萬以上。欲以某處礦產作抵。向日本商借巨款。磋商數月。始終未得要領。曹章陸輩私議云。此項借款。如不能成。則於各黨之信用大有關係。不若吾輩各出私囊若干。託名日金。借之政府。俾樹錚撥入黨中。使黨員無渙散之虞。如是則上可以結合肥之歡心。下可以堅安福之團體。外可以見辦事之勤能。內可以博厚重之利息。一舉而數善備。計無有過於此者。議既定。同往見樹錚。告以有某日人。爲中日兩國親善起見。願以現銀借於我國政府。但須有確實之抵押品。某等即可前往磋商。樹錚聞言。正中心懷。卽以某處礦產作抵押品。囑曹章陸等竭力進行。不數日大功告成。而安福之勢力。由此日形膨脹。而樹錚感謝曹陸

五體投地。以後凡與日人借款。非經曹陸等之手不可。故終致八年之五四運動。演成學生打金剛之趣劇也。方其安福部之組織也。欲本根推翻河間。奉合肥爲元首。樹錚則自登揆席。故不惜費數千萬之金錢。而組織此強有力之政黨。後因直系攻擊甚烈。西南風雲日緊。知大局之終不可操縱。乃乞今大總統出任艱鉅。今大總統以禍患相尋。國將不國。故願以息事甯人爲己任。膺選而出。毅然就任。對於西南各省。以議和爲條件。對於直皖兩系。以結合爲主旨。熟知樹錚心目中除合肥外。無第二人可以悅服者。彼以爲西南與北方勢不兩立。直系與皖系亦難並峙。今大總統之膺選。皆安福之功。安福部之組織。皆一己之力。奈何大總統不偏袒皖系。而貫徹其征南之計。遍於是極力膨漲安福勢力。墮斷財政。盤據交通。以國軍爲一系之爪牙。以疆吏爲一家之私產。凡列黨籍納黨費者。指顧之間。可以爲閣員。膺疆寄。否則必不能安於其位。故太平

湖之安福俱樂部。竟成爲官僚營業之場。凡黨員欲運動某省某官者。必先奔走於其中。除述己意。並出代價若干。而後可如願以償。八年秋間。某君因運動某省督軍。出極鉅之代價。在太平湖宴會三天。事已成熟矣。及將蒞任。不意某督抗不奉命。黨員某君。分頭疏通。卒無效果。是以知安福部所畏者。僅督軍團之兵力耳。其餘如某某之長魯。某某之長汴。皆出自安福之力。事前但求得該督同意。不必問其人品之若何。譽望之若何。至於民意之反對。紳商之抵抗。更不足生絲毫之效力。卒之禍貽東魯。毒遍中州。而人民無可如何。是皆安福爲之害也。自有安福而託庇於外府者。有某某等之三總長。跋扈於封疆者。有某某等之四督軍。視元首之命令如弁髦。連國民之風潮用壓力。而天事無不可爲。嗚呼。政黨之毒。一至如斯。全是樹錚一人之爲厲。樹錚恃合肥愛寵。橫行無忌。任意妄爲。如擅殺陸建章事。甚爲駭人聽聞。陸建章者。北洋之耆宿也。樹錚

曾隸幟。無論有何重罪。既爲特任命官。且兼陸軍上將之銜。總宜請命中樞。提交軍法會議。方爲平元辦法。乃樹錚以新進後生。逞其毒焰。誘陸至奉軍司令部。擅命左右槍斃之。聞其銜陸之原因。卽在河間代理元首。合肥二次組織時代。其時河間主和。合肥主戰。兩派意見不合。陸則奔走長江一帶。運動各督。聯絡西南。以是主戰之計畫。不能敵主和之聲浪。又思陸爲河間羽翼。留之終爲勁敵。故處心積慮。欲加害於陸者。非一日也。乃段閣已倒。樹錚既借欺奉軍威嚇河間。陸因議和之事。祕密赴津。爲樹錚左右偵知。以告樹錚。樹錚遂設筵於奉軍司令部。而邀陸赴宴。陸自恃爲軍界要人。所謀卽爲樹錚所書。諒彼能奈我何。故坦然赴宴。而不疑其有歹意。及至司令部。樹錚歡然接待。惟席間並無外客。皆爲奉軍軍官。及徐左右之私人。酒數巡。猜拳行令。樂不可支。絕不談及時事。席旣散。樹錚起謂陸云。此間內有花園。風景絕佳。聊以寓目。亦足以開

暢胸襟。盡請入一遊。陸許之。既入。樹錚命閉中門。謂陸云。汝知罷乎。前日之事。汝爲政。今日之事我爲政。汝既來此。不復能出矣。卽命左右一齊動手。綁陸於園中樹上。至是。陸目瞪口呆。面如死灰。不能出一語。一任樹錚之布置。須臾。槍機一發。而陸卽一命嗚呼。識者謂陸生平好用極刑。任軍政司法長時。革管人命。含冤而斃於槍下者。不如凡幾。故有陸屠之徽號。今茲死非其罷。眞所謂天道好還。報施不爽也。自陸被樹錚槍斃後。各省疆吏。羣起責言。樹錚矯傳中央密旨。巧示掩飾。未幾傳聞馮玉祥獨立。馮玉祥爲陸之外甥。驚聞噩耗。不禁大哭。其獨立也。誓欲爲陸報仇。而於樹錚之平南主義。又受一大打擊。樹錚雖懷恨在心。然以鞭長莫及。無可如何。迨東海就任之始。鑒於世界大勢。知非統一海內不可。故與南方賡續和議。特派朱啓鈴爲總代表。仿辛亥起義之役。民軍與請廷議和之成例。開和會於上海。樹錚知和議落成。將大不利與合肥。安福

部勢必瓦解。於是運動南方。提出種種條件。使啓鈴知難而退。要求更派王揖唐南下。王爲安福部首領。與樹錚朋比爲奸。平素亦主張作戰之鉅子。今忽改其作戰之論調。而爲議和之代表。其不出自本心可知。且逆料南方之必不肯承認也。而王竟絕不遲疑。盛裝赴滬。人但知王之來滬。欲使兩方極端反對。不得見和局之告成。殊不知內幕之中。樹錚心內尙另有一番作用。正是何來溫犀燃牛渚。照盡妖魔罔倆形。未知後事爲何。且聽下回分解。

第六回 破壞和議另更代表 冒取助勞爵授籌邊

話說當王揖唐初來滬上之時。便蟄居於哈同花園。南方果一致反對。不肯承認王爲北方總代表。樹錚密派心腹。與南方之來通聲氣者。奔走於孫唐之門。譖以岑西林陸武鳴之驕恣。一朝得志。必不容他人鼾睡於臥榻之旁。是諸公之辛苦經營。艱難締造。不啻爲若輩作專牛也。實則武鳴西林。與直系早已握

手。樹錚知直系得西南之助。皖系力不能敵。故又肆其離間政策。使西南自相殘害。而和議何能成就。是不破壞之破壞。樹錚之奸狡。可謂至矣。對西南七總裁。本有門戶之分。南方之有滇桂。猶北方之有直皖。孫唐二人。聞樹錚派來心腹之言。未嘗不知其用意之所在。第以西南方面。意見紛歧。故樂得而利用之。冷眼旁觀。一任南與南爭。北與北戰。而與初不承認之王揖唐。漸漸感情融洽。始則書札往還。繼則宴會酬酢。一日南總代表唐紹儀。與北總代表王揖唐。相遇於席次。周旋數語。各道仰慕之誠。而終未談及和議事件。時有某君在座。笑言曰。疇昔二公紙上爭雄。無怪和議之中止。今茲二公席間笑語。定見和議之告成。是今日二公之會。卽爲南北統一之佳兆。二人同聲應道。今夕祇可談風月。至於國家大事。關係重要。某等曷敢以私會而提議也。願先生毋多言。某君聞之。面有愁色。未終席而辭去。觀此則知議和之事。若卽若離。非僅南北相爭。

實則兩方之中。各有勢力消長之問題在其間矣。故樹錚不惜出其全力。以破壞之。今則兩方之風雲日惡。自顧不遑。尙何統一之可望也。蓋樹錚主戰之心。堅持不撓。却非窮兵黷武者比。彼之所以冒天下不韙而爲此者。實因其主張聯日。私借日債。至亦億萬之鉅。俱任意揮霍。並無實用。國家產業。幾被押盡。若南北統一。勢必追究此案。縱有遂何之口。諒難置辨。故挺而走險。達到賣國目的。此賵便可無形取銷。故樹錚之與日本。奉事維恐不謹。卽知其用心之深矣。當八年五四運動。抵制日貨之時。學生團之熱血一日千里。有不可遏抑之勢。樹錚恐開罪於友邦。乃授意於其同系之人。以兵力壓服學生。遇學生之遊行。者。則驅散之。見學生之演說者。則拘捕之。甚至加以種種之虐待。時京師某廳長。及山東某師長。皆爲合肥心腹。樹錚之至友。濤見學生風潮愈演愈大。乃商之樹錚。誣學生爲匪徒。先之以拘禁。繼之以毆辱。其手段之嚴厲。較之專制之

國有過之而無不及。蓋學潮之發起也。始因樹錚與曹章陸輩秘密借債。受嚴酷之條件。爲學生團偵知之。警告全國。要求政府宣布其內容。樹錚銜之甚。政府置若罔聞。學生憤極。遂致出五四遊行。怒打金剛之趣劇。樹錚遂誣以擾亂治安。囑軍警圍而捕之。幽之於北京大學之某科。寢以草具。食以粗糲。軍警環而守之。無異犯罪囚徒。學生有不堪其苦。出言冲撞者。則以嚴刑加之。有某生被禁三日。憤懣異常。遇長官至。非怒目相視。卽出言不遜。樹錚知之。乃命絕其飲食。勿通音問。後竟因病而亡。及風潮平。人有爲學生請命者。曰若輩手無寸鐵。何能爲亂。不如釋之以順民心。樹錚云。不然。若輩恃三寸不爛之舌。蠱惑人心。苟不治以嚴刑。使之有所畏懼。則吾輩將無立足之地。其人無言而退。後樹錚見學生拘禁日多。終難屈服。出其離間之計。用金錢運動一部分學生之熱中者。許以事平之後。授以某官某職。並約至某某飯店。惑以聲色之樂。暗喚八

部之妓女。飾爲貴人姬妾。殷勤伺奉。以消磨其志氣。此一部分熱中之學生。平日所希望者。卽爲得志之後。可以享室家之美。妻妾之奉。今已紛陳於眼前。能不觸動於心中。遂變其反對之聲浪。而爲和好之面目。樹錚見此計已遂。書學生之團體不堅。不患一致反對。而激成不可收拾之局。於是密電各省。凡遇學生罷課演說干涉行政範圍者。卽加以拘捕。違則毆辱之。一場絕大風潮。竟爲其威力壓息。聞事前爲學生抱不平者。軍政界中。大有其人。樹錚力排衆議。使吾青年學子。忍氣吞聲。一任賣國賊之橫行。而無如之何。吾不能不服其心計之工。而手段之辣也。惟其生平雖小有才。但功利之心太重。當我國加入協約之時。武人中主持最力者。厥惟靳雲鵬。樹錚僅參末議而已。及德粵敗績。歐戰告終。我國朝野上下。咸歸功於合肥。樹錚則謂提倡此議者。爲梁任公。已則首先贊成。意欲據爲殊勳。并合肥而掩沒之。而不書外人因其參戰之款用於內。

爭。匪惟不以爲功。而且反多責言。始嚙然若喪。奔走京津。雄心未已。知合肥既已下野。已又萬不能得志於中樞。乃借國防爲名。自率師旅。耀武塞外。時陳毅取銷外蒙自治。功已垂成。樹錚馳赴庫倫。幽陳毅於別室而告之。曰。汝志知徐某之名乎。汝在庫倫多年。毫無建樹。我之來此。爲汝立些功勳。並非越俎代謀。汝母疑我之有他意。暫請勿與外界通音信。待我大事告成。卽當還汝自由。否則恐不利於汝。陳素聞樹錚之驕橫。以及擅殺大吏各等事。不敢與較。只得任其所爲。樹錚遂暗結東隣。用力壓服外蒙。不數日卽以取銷外蒙自治報告矣。政府接到此電。明知樹錚之舉動。侵及陳毅之職權。論公則罪無可道。何功之有。樹錚之敢悍然爲此者。一則恃友邦之扶助。二因與合肥關係密切。知政府不得不捨公而論私。論私則陳毅所不能爲者而已能代爲之。其功之大。莫與比倫。於是而有西北籌邊使之活動。其範圍宜若何之擴充也。其體制宜若何

尊崇也。其權限宜若何請晰也。其兵力宜若何雄厚也。凡此諸端。皆要求政府酬功之要事。自此一往。樹錚之野心。更非昔日可比。匪特蔑視他人。卽合肥屬下。亦不甘屈伏矣。籌邊使設制伊始。與邊防督辦往來之公牘。敵體平行。一日會議於某處。主辦會事者。曾受辱於樹錚。思報復之。歷久未得其策。適見籌邊使與邊防督辦往來之公牘。乃故施其狡獪。標明各人所坐之位次。左邊防而右籌邊。餘則以官職大小而遞推之。將入座。樹錚見己之位次。在合肥對面。形同敵體。不知所措。合肥又不命之坐。樹錚乃將坐椅移作斜形。彷彿大餐席上。喚來之堂差。然此一席會議。雖驕恣如樹錚者。亦覺坐立不安。不得竟其辭也。議畢。樹錚問誰辦此會議之席。其人出而自認云。小人略識之。無前見大人呈文。有籌邊使宜若何尊重之說。頃又見籌邊使與邊防督辦之公文。係敵體稱呼。知大人之位次。不與督辦並坐。不足以見體制之尊重。名分之敵體。況此番

大人建立奇勳。與督辦參戰之功。無分上下。區區一席。居之不亦宜乎。樹錚以其諛已。並不之罪。然其冒功倨傲。毫無愧怍。直無心肝者矣。顧樹錚之傲慢無禮。實合肥有以縱之。因愛姑容。養成驕性。對合肥猶然。對他人可知。惟我獨尊。目無餘子。侵權干政。任意胡爲。以總理不肯附已。便結黨反對。使內閣不安其位。幾欲將全國軍政大權。操之一人。以此仇人滿地。致有八督聯盟之舉。正是凡事須當留餘地。盈虛消長。理無差。未知後事如何。且聽下回分解。

### 第七回 學生團愛國動熱潮 安福黨會商籌抵制

話說徐樹錚自授西北籌邊使職後。賣路賣礦。任意胡爲。舉國憤恨。彼惟外恃強隣。內使國會安福督軍。更爲之爪牙。國民無如之何。詎意青年學生。激動愛國熱潮。不計利害。八年五月四日。北京學生。因受政府壓制。激起全國各界結成團體。罷學罷市。繼至以罷工。羣起開國民大會。抵抗政府。政府見民氣過激。

不得已罷曹章陸三賣國賊之職。以息風潮。會歐洲和會爲青島交涉失敗。政府卽欲簽約。民心激動。一致爭電專使陸顧王等不認簽押。如不爭回交還青島。卽請退出和會。再圖後舉。幸賴留學西國學生團。結合八百餘人。聯絡華僑工商。於陸奧和約簽字之日。包圍使館。不容陸等出門。方將簽字拒住。段徐等雖然憤怒。但事在外洋。鞭長莫及。無奈誰何。此時民氣之盛。已達極點。實有直系暗中以主使之。其最顯者。惟駐守衡陽之孚威將軍吳子玉。連發通電數通。提倡民氣。提安福部賣國之黑幕。安福怒吳之多事。停發其餉。故致出保定會議之舉。其時直系各督。俱不直安福之行爲。兩下暗鬥。醞釀已久。因礙情面。故無人發難。表面雖無發動情形。暗中政客遊說。極力進行。一日吳將軍忽接得直隸督軍曹錕密札一道。內開安福部把攬政權。禍國殃民。窮兵黷武。荼毒生靈。人神之所共憤。天理之所不容。某雖握軍符。亦國民一份子。勢難坐視。謹請

聯合同盟八省諸公共討之。凡有同心。請派代表。或本人馳赴保定。會議進行。以圖救國家於危亡。拯人民於水火。不勝待命之至。計開八省。奉天張作霖。吉林孫烈臣。黑龍江鮑貴卿。直隸曹錕。江蘇李純。江西陳光遠。湖北王占元。河南趙倜。吳將軍亦附名於後。亦派代表至保定列席。其時各省代表。俱集保定。經略府中。有主張聲罪致討者。有主能先禮後兵者。議論紛紛不一。最後還是曹經略使。主張先去徐樹錚。再更換安福部交通財政司法三總長。爲和平之條件。衆皆贊成。一面發電政府。一面電調吳將軍撤防北歸。一面電達段合肥。謂徐樹錚招權納賄。爲舉國之公敵。請先撤樹錚之兵權。以謝天下。並請內閣仍用靳雲鵬。更換三總長。合肥接到此電。便召羣僚會議。當由司法總長朱深言道。曹仲珊無端妄稱八省會議。要更換我三總長。然我們到不在乎此。只是樹錚。乃新撫蒙古有功無罪。豈可免職。丁士源曰。照這等看來。我們安福派要受

直派欺壓了。曾毓雋接口道。遠都曹督辦素來退讓慣了。如今越逼越緊。這封電信分明是與我們宣戰了。我們不可不預備預備。合肥云。諸君且慢爭論。等樹錚來大家再議。正說間。樹錚果然來到。合肥云。樹錚你的冤家太多。現今保定有電信來。你將如何區處。樹錚將信閱過。說道。沐恩別無主意。惟有具呈辭職耳。曾毓雋云。辭職雖不要緊。到是於我皖派勢力大有關係。怕是全體瓦解。樹錚道。既怕失却勢力。索性與他決一雌雄便了。合肥云。且慢。還沒有到此地步。你們都不用着急。凡事有我在。總無妨礙。且不理會。看他怎的。衆人遂起身稱謝而退。如是此電便不生效力。保定曹錕見無回電。以爲皖派欺人太甚。遂有備戰之意。話說孚威將軍吳子玉軍久駐湘南。早申撤防北歸之請。政府以和議未成。故未允許。今得直督電調回師。遂大會諸將。拔隊起行。祁陽衡州次第撤退。餘軍分水陸兩道陸續開拔。張敬堯派乃弟敬湯帶兵兩萬。赴衡陽填

防。吳將軍交割清楚。便乘新鴻運輸船。由衡陽起行。各界人士。均至河干歡送。經過抹州湘潭。均受各界歡迎。及抵長沙省城。岸上軍樂大作。軍警俱行舉槍禮。吳軍船上亦吹號答禮。時湘督張敬堯親自出迎。而吳將軍並不登岸。命代表擋駕辭謝。次日啓旋抵岳。小留一日。時直軍大隊人馬。約兩萬餘人。由岳到鄂。俱向漢口劉家廟登陸。吳將軍押隊後行。至下午到漢口。鄂督王歡迎。過江宴會。所帶軍隊。暫住劉家廟車站。駐漢七日。由武漢起程。八日抵鄭州。全部分五旅駐紮。沿路旌旂滿目。帳幕相望。軍容甚盛。十日吳將軍乘坐專車赴汴。各界人士。假座江蘇會館。開會歡迎。並請示此次將軍回直之方針。吳將軍演說云。鄙人廁身軍界。本無討論政治之必要。第以安福部把持政權。段黨勢燄薰天。勢難坐視。鄙人援天下興亡匹夫有責之義。此行目的。志在擁護總統。抵制段黨。取銷對外各種賣國密約。並望南北速行統一。則鄙人解甲歸田。素志遂

矣。各界人士俱鞠躬謝曰。將軍真救民水火。當今第一人也。其時皖派因八省會議之事。亦欲聯合十一省督軍。以謀對待。無奈以人地不宜。呼應不及。中間又有長江阻隔。故未舉行。再說吳軍撤防後。南軍已襲取醴陵。茶陵。祁陽。三縣。進逼衡州。長沙震動。段芝貴密謂徐錚樹曰。保定曹錕不足慮。吳佩孚有將才。爲勁敵也。不如設法收撫之。則曹錕失一臂助。無能爲矣。樹錚云。佩孚係直派健將。豈肯就我範圍。芝貴曰。當年國軍南征。佩孚功勞極大。因未得督軍位置。以致曹錕四省經略使。按兵不動。今吳軍撤退。南軍乘虛而入。恐張敬堯非其對手。萬一有失。我們豈不要少一地盤。依我愚見。不若遣使運動佩孚。卽許以湖南督軍。南軍不足慮矣。樹錚云。但此事醞釀已久。恐一督軍未足鑿其欲。奈何。芝貴又道。不如費些金錢。以犒軍爲名。遣一能言之士。以名利兩字往說之。佩孚不難致也。樹錚遂從其計。竟不通知老段。向交通部挪款二十萬。差秘書

何某爲使。連夜出京。乘快車赴鄭州。至吳將軍行轅。吳延入禮畢。讓坐。詢其來意。何某云。督辦以將軍師駐衡陽。已逾三載。此次回防。士卒勞苦。故授意徐司令。特備犒軍費二十萬。聊爲洗塵之敬。望乞笑納。吳云。本軍駐湘三載。勞師糜餉。無尺寸之功。是以未受政府滴水之勞。今蒙督辦念及。徐司令美意。何敢自外。塗領全璧。爲我道謝。多多拜上督辦徐司令。說吳某已遵示領受矣。言畢。竟收了二十萬軍費。立卽分給各軍。並置酒款待來使。席間何某又再三致意。說督辦久仰將軍的虎威。一時未有位置。故暫屈將軍於幫辦軍務之職。今張敬堯將另有調動。湘督一席。非將軍莫屬。愚意欲請將軍就近仍駐湘省。靜候政府命令。未知將軍意下如何。吳將軍聞此言。莞爾笑曰。督軍重任。某曷敢妄想。况張敬堯乃督辦親信之人。豈可調動。今本軍士卒離鄉已久。歸心似箭。萬無再回湘之理。况各界盼望和議。若大旱之望雲霓。更無駐兵之必要。望閣下善

體斯意。轉達督辦可也。於是何某不敢再加說詞。只得宴畢告辭。起身轉車到京。回覆樹錚。樹錚雖然忿恨。然亦無可奈何。事爲合肥聞知。立傳樹錚進府。大加申斥。忽接張敬堯電稟一通。原來衡陽已失。敬堯之弟敬湯。逃回省城。南軍乘勝進攻。長沙十分吃緊。乞速電調援兵。以救危急等語。合肥看罷。大驚曰。不料南軍果然如此猖獗。正是萬里長城因自壞。致教強敵得猖狂。未知後事如何。且聽下回分解。

### 第八回 張敬堯坐失湖南省 段祺瑞怒調邊防軍

話說段督辦看了張敬堯告急的電文。立時至公府去見大總統。請下討伐令。遣軍援湘。並說吳佩孚無端撤兵。引敵入寇。糜爛湘省。須得下令加以嚴譴。便將張敬堯急電面呈總統。總統閱過笑道。吳子玉駐湘已久。撤防亦人之恆情。況張敬湯已統兵兩萬填防。交代請楚。兩方面俱有專電到京。卽邊防失陷。不

能再誘過於吳佩孚。今南軍入寇。張敬堯現統重兵三師十二旅。暨湘省本區防軍。足有十萬之衆。足以抵禦。殊無派兵之必要。至於討伐令。滬會和議甫開。萬不能下。老弟以爲然否。合肥愕然道。非主座言。弟幾忘之。張敬堯每月報銷軍費。有十萬人之餉。其力似亦不弱。但不能不格外慎重。湘省客軍甚多。請撥一軍爲後應如何。總統應道。這却是要的。就派馮玉祥可否。段云。玉祥不過一旅長。難勝其任。不如吳光新老於軍務。他在上游。呼應靈便。就近派遣爲妙。總統遂下令。着吳光新爲湖南檢閱使。率師援湘。並着國務院急電張敬堯。飭其速赴前敵。規復防地。湘中現有勁旅十萬。軍火素足。何以不能應敵等語。誰知此電到湘。長沙已不能保矣。蓋湘督張敬堯。秉性殘酷。貪得無厭。平素虐待湘民。罄竹難書其罪。自吳軍撤防之後。敬堯便命乃弟敬湯。率師兩萬。俱是皖派親信。分佈填防。因吳軍在時。軍民融洽。秋毫無犯。皖軍行爲。姦淫擄掠。如盜

匪無異。稍拂其意。便認爲南軍奸細。立時鎗斃。尸骸枕藉。廬舍邱墟。民不堪其暴虐。只得向湘南粵軍首領處告急。請率師救民水火。南軍第一路司令趙恒惕。素有威名。自張敬堯不肯割三縣。已有進兵之意。及接到湘民請願。遂以驅逐強梁爲名。襲取茶陵醴陵攸縣等處。湘民一聞南兵之至。無不箪食壺漿以迎者。故一路勢如破竹。兵逼省城。敬堯倉皇無措。棄城逃走。遁至岳州。電達政府。乞下討伐之令。直隸督軍曹錕。本大總統息事甯人之旨。令吳佩孚分布軍隊於直豫各境。預防西北軍之長驅南下。以免戰禍之綿延。樹錚時在庫倫。聞此驚耗。密調西北邊防軍援湘。皆爲直軍所阻。於是大罵曹錕通敵。欲回攻保定。又怕吳軍拊其背。未敢造次。迨致夜間。展轉不能成寐。聞有聲自西南來者。若魚鷹之泛江湖。啄羣魚而食之。遂出帳仰觀星斗。見西北羣星。倏明倏暗。久之有一大星隕於地。不覺拊膺歎曰。吾黨之命運。其從此而止乎。然大星隕地。

主何朕兆。則又不敢懸斷。閱數日。知鬚帥應總統之召。以調人自居。往來於團河保定之間。樹錚亦卽赴京。時鬚帥自保定歸。代有曹錕吳佩孚之條件。其中主要者。爲免徐樹錚職。及解散安福部。總統亦知年來之政潮。皆出自樹錚一人之播弄。遂毅然下令。免徐樹錚職。調任爲遠威將軍。在總統對於直皖兩派。亦可謂用盡苦心。一方則履行直系之條件。一方則不失皖系之顏面。然而兩方旣已決裂。調停終歸無效。其勝負之結果。全係於鬚帥之一人。樹錚仍欲用昔日運動奉軍之故智。往謁鬚帥。願以五百萬金爲壽。且俟大局平定之後。仍以副座讓之。鬚帥知樹錚反覆無常。其言終不可信。不示可否。而暗與曹吳結合。樹錚見運動無效。卽勾結東鄰。阻止奉軍入關。一面授人鉅金。運動鬚匪擾亂東省治安。不意天網恢恢。其人爲奉軍緝獲。鬚帥益恨樹錚詭計多端。乃揭破其陰謀。自率二十七八兩師。助直軍與樹錚決戰。此時樹錚一身。已爲衆矢。

之的。成敗利鈍。雖非逆觀。然衆怒難犯。則不禁爲樹錚危也。樹錚狡詐成性。不惜國家之危亡。必欲忿走極端。意氣用事。於免職後。佯爲鎮靜。人有勸之勿悶。悶不樂者。樹錚云。吾一生不知有悶字。宦海浮沈。事極平常。何悶之所有。實則其胸中早有成竹。知總統之下免職令。非僅一己之關係。蓋欲助直系而排皖系。一以鞏固元首。一以削奪合肥之兵權。使和議可得早見成功。而安福則無立足之地。乃往見合肥曰。樹錚之濫借鉅款。編練重兵。甘冒天下不韙者。無非爲督辦計耳。今總統惑於二三僉壬。免去樹錚之職。是欲排去皖系。排皖系卽所以排督辦。樹錚一身不足惜。其如督辦一生之威名掃地。何言下痛哭不止。合肥對於樹錚之免職。本不介意。今忽有此一激。不覺怒髮衝冠。投袂而起曰。吾於東海。有數十年之交好。故於改選之時。願與河間同時下野。而以元首之位讓之。何意其年老昏瞶。竟出此非法之舉動。彼旣不念前情。老夫亦顧不得。

面子。今日誓不與之甘休。乃草創懲辦曹吳之命令。逼總統使下。總統始猶不肯。樹錚親率衛隊。圍住公府。欲演逼宮故事。經閣員多方調停。始下懲辦曹吳之令。樹錚得寸進尺。慫恿合肥。逼總統再下討伐令。總統怒曰。元首可不爲。此令斷不可下。樹錚乃與安福三閣員密議云。今茲事已決裂。非亟修戰備與直軍一決勝負不可。入手第一事。須籌備大宗軍費。此事全仗三兄。至於行軍開戰等事。樹錚與同系軍人。當負完全責任。請看今日之國中。竟是誰系之勢力。曾毓雋聞言。自告奮勇曰。籌備軍費。某當勉爲其難。勿勞諸君費心。商議既妥。樹錚說合肥曰。目今皖直兩派勢難並立。我不制人。人將制我。我等財源既富。兵力又足。且有友邦之扶助。以督辦之威名勢力。總統即不肯下討伐令。何嘗不可自由行動。爲今之計。惟有先發制人。速調西北邊防軍隊。以及原有各師。分東西中三路進攻。名之曰定國軍。約計旬日之間。不難梟曹吳之首。而懸諸

國門之外也。合肥自信威名遠震。部曲衆多。遂允樹錚之請。任段芝貴爲定國軍總司令。而以總參謀之職。使樹錚任之。具呈總統。勢與直軍開戰。總統恐戰衅一開。塗炭生靈。乃令靳雲鵬張懷芝等爲調人。往來於保定團河之間。曹錕吳佩孚云。段軍若不進攻。斷不敢釁自我開。靳張等以告合肥。徐樹錚在旁曰。若輩畏我軍隊衆多。不戰自餒。苟不示之以威。必將暗施陰謀。以破壞我同系之團體。那時人心渙散。欲制不能。大事去矣。乘此人心憤激。衆志成城。督辦幸毋存姑息之心。而貽後患。時機不再。稍縱卽逝。望督辦三思。合肥之意遂決。便下令招集近畿各師長。商議出兵之策。決定派出五師。計開列於左。

曲同豐爲定國軍第一師 劉詢統十五師爲第二師 陳文運爲定國軍

第三師 李進才統十三師爲第四師 魏宗瀚統第九師爲第五師

部署已定。又密電淞滬護軍代使何豐林。出兵攻南京。牽掣蘇督李純。令吳光

新張敬堯。暗圖湖北。又電令山西督軍閔錫山。出兵娘子關。以擾豫省。佈置的井井有條。正是虎帳運籌操勝算。豈知天理不姑容。未知後事如何。且聽下回分解。

### 第九回 索印信逞兵團公府 使威風故意辱屬員

話說段合肥運籌已畢。以爲可操必勝之權。一面飭京漢局備專車輸運。一面會同全體閣員。見總統要求懲辦曹錕吳佩孚。且謂徐樹錚已奉令免職。吳佩孚以軍人干預政治。况通款西南。罪當重辦。曹錕庇私護短。咎無可辭。非嚴辦不足以申綱紀。此呈一上。徐總統便交國務院開特別會議。閣員俱畏合肥之威。只得議決。吳佩孚免職處分。曹錕則改爲褫職留任。擬就命令。交曾毓雋朱深送公府蓋印。徐不肯蓋印。合肥怒。發兵圍困公府。派曾毓雋入府坐索。總統無奈。只將命吳笈孫將常用小印交出。毓雋得了小印。便得意揚揚歸獻合肥。

將命令蓋好。此後命令全是合肥濫發。置大總統於不顧矣。老將姜桂題見段氏威逼總統太甚。自請以毅軍保護總統。段軍方解圍而去。於是段合肥自稱爲定國軍總司令。徐樹錚爲總參謀。段芝貴爲第一路司令。曲同豐爲第二路司令。魏宗瀚爲第三路司令。傅良佐爲參議。又命曹陸等先向某銀行。以京綏京張路權作抵借大宗款項。命曾毓雋犒賞三軍。給發雙餉。擇吉出師。分兵三路。西路以段芝貴爲總司令。率領曲同豐劉詢等。攻高牌店。阻吳軍入京之路。命徐樹錚爲東路總指揮。以李進才魏宗瀚等屬之。自引近畿軍隊保衛京城。先傳檄聲討曹吳等罪。檄文傳到津保一帶。時直軍已積極備戰。吳佩孚爲西路總指揮。設司令部於高牌店。曹錕爲東路總指揮。設司令部於楊村。曹錕自率大軍策應前敵。時吳將軍見此檄文。啞然笑曰。同屬兵諫。何分順逆。彼既有檄文。不可不答之。遂親撰討逆檄文。布告天下。發奸摘伏。理直氣壯。輿論稱快。

及西路段芝貴到高牌店。與吳軍開戰一次。前軍失利。安福部聞得警耗。十分恐懼。卽央求曹汝霖。陸宗輿。章宗祥。入見總統。請爲兩方勸和。並下停戰命令。徐總統被擾不過。乃命張懷芝。姜桂題。赴津保。向曹吳疏解。並勸段派暫緩發動。時段派氣憤正盛。雖有小挫。詎肯罷兵。張懷芝又至保定。向曹錕極力疏通。曹錕曰。要我罷兵。除非將老段小徐兩個腦袋。號令都城。則我與吳佩孚當自約至京。赴闕請罪。張懷芝道。勝敗未分。尙不知鹿死誰手。還是息爭爲上。曹錕云。我若敗績。我與吳佩孚兩個腦袋。自割下來。送至北京。好讓老段小徐看了快意。我與你俱是老朋友。勸你休要管這閑事。張雨帥也爲此事。上了老段的當。好意當做惡意。受了他的於白。張懷芝。姜桂題。又再三陳說。曹錕只得應允。飭前軍暫停戰三日。至於段軍方面。亦由張姜等發電照應。那知不上三日。果然自食其言。徐樹錚至前敵。立下動員令。定國軍分兩路大進。曹錕笑道。如何。

你們請回京罷。這是老段緩兵詭計。張懷芝等滿面羞慙。告辭回京而去。自此直軍遂正式開戰。且說段軍第一師曲同豐。同十五師劉詢。督隊至涿州。先組織司令部。據險安營。與直軍西路總指揮吳佩孚對峙。此時吳將軍正在前敵。忽報曲同豐已在涿州據險安營。吳將軍笑曰。曲君爲皖派老將。可惜少腦力。非吾敵也。便傳旅長閻相文。王用中。各率一隊。並架機關砲四尊。先佔據京奉路線。又吩咐道。釁自彼開。萬勿挑戰。彼若來攻。可分兩路抄入敵人背後。兩下夾攻。我自從後接應。可獲全勝。二將得令而去。又派旅長李榮殿。彭壽萃。各率一隊。多裝子彈。阻住琉璃河敵兵。二將得令而去。又命參謀總長李濟臣。預備收集敗退潰兵。令帶一隊。自後出發。分撥已定。自己乃秣馬厲兵。專候消息。再說曲同豐安營已畢。親上將台。用望遠鏡瞭望敵軍。見直軍所駐之處。旌旗連接。鼓角齊鳴。勢若長蛇。首尾互應。遂歎道。吳子玉果然名不虛傳。真將材也。遂

下令道。連日軍士操練過勞。且恤兵三日。然後再戰。是夜坐在帳中躊躇不安。忽報十五師長劉詢來訪。曲同豐延人問曰。閣下夜來必有事故。劉詢道。閣下下令恤兵三日。不知是何意見。曲云。軍士連日兼程疲乏。故令休養三天。以示體恤耳。劉詢道不妙。此番兵心不一。速戰爲妙。否則不如勿戰。曲問其故。劉詢曰。聞直軍全體將士。撰有文告。沿途分發。文告太意。都歸罪於督辦小徐等。並謂我等係爲專制武人而戰。非爲政府而戰。良禽擇木而棲。賢臣擇主而事。洋洋千言。煽惑軍心。現在旅長齊寶善等。已有不戰之表示。所以請閣下尊裁。要戰卽戰。否則不戰。況有某國人參入指揮。軍心益發不服。我再俟數日。卽當辭職矣。曲同豐道。督辦爲小徐一人。構怨於全國。我甚不取。翌日見機而作。慎勿洩漏。劉詢遂點首辭去。次日段芝貴親領一軍到。衆將迎接入營。參見畢。芝貴問曰。近日開仗。可有斬獲否。衆將回道。現因恤兵三日。尙未開戰。芝貴怒道。甚

怎話。督辦恨不。一口氣滅了吳佩孚。爾等故意因循。豈不誤了督辦大事。這是何人的主意。衆將道。是曲司令之意。芝貴大怒曰。兵貴神速。老匹夫何得誤我大事。若不正法。何以令衆。遂喝令左右。將曲同豐綁了出去。衆將皆懇道。曲司令爲體恤軍士起見。並非誤督辦大事。乞鈞座看某等分上。貸其一命。叫他攻直軍防線。將功折罪。芝貴問言。便喝令將曲同豐放回。吩咐道。違誤軍機。律應槍斃。姑看諸將之面。貸汝一死。令你快帶砲兵一隊。去攻敵軍防線。不准損傷一卒。如不能勝。休來見我。同豐接了令箭。歎一口氣。便整隊出營去了。又派劉詢帶十五師旅長齊寶善。陳國斌。接應前軍。那知邊防軍見曲同豐因恤兵受辱。人人不悅。齊寶善等。遂勒軍不前。曲同豐方至陣前。忽接到琉璃河開戰驚耗。第三路司令陳文運。已被大砲轟傷。定國軍全師皆潰。曲同豐聞到這個消息。前軍登時詳變起來。遂無功退回。原來琉璃河之邊防軍。爲陳文運統帶。是

日率領馬隊及第十三師第一營步隊。向直軍第十二團第三營攻擊。直軍右翼旅長李榮殿。彭壽萃。亦以槍還擊。雙方戰鬥。至二時之久。直軍忽望後而退。邊軍前進。正欲奪取第一防線。忽聞喊聲大震。直軍從別路兜抄過來。李彭二將。領軍殺回。邊軍大敗。退回琉璃河本營。查點軍士。除傷亡之外。潰散無數。只得向總司令報告兵敗情由。芝貴大驚。手足無措。時某國指揮官阪西利八郎。在座。係訓練邊軍總教習。現充定國軍監軍。便勸芝貴發兵先襲直軍高牌店老營。然後再攻擊琉璃河之敵軍。方可以一戰成功。正是前敵師徒方敗。卹外人干預又逞強。未知後事如何。且聽下回分解。

### 第十回 吳佩孚神算破敵軍 段芝貴落荒逃性命

話說監軍阪西八郎獻策。段芝貴甚然其說。遂命旅長范尙品。程西華。帶兵兩團。抄過涿州。竟攻高牌店。直軍大營。吳將軍得信。親自率隊截住。將邊軍衝爲

兩段。直軍異常奮勇。無不一當百。喊聲大震。砲火連天。邊軍支持不住。兩翼先退。正面軍亦四散奔逃。旅長尙范中彈陣亡。程西華約束不住。只得向涿州方面退去。幸得曲同豐接應。合兵一處。段芝貴因軍士不肯出力。十分忿怒。急發手諭。誡飭前敵諸將曰。軍士臨陣退後者。格殺勿論。此令一下。全營解體。又催曲同豐。劉詢出戰。曲同豐等無奈。只得督隊挑戰。與直軍前隊閻相文。王用中等。戰於涿州。兩軍才一交綏。忽然後路潰亂起來。却是十五師旅長齊寶善等。不戰而退。師長劉詢。不知去向。只這一個警耗。前敵曲部軍士。無心戀戰。紛紛潰逃。吳將軍又親身率兵夾攻。將曲同豐四面圍住。槍砲齊施。急如風雨。同豐部下傷亡甚衆。同豐見歸路已斷。難出重圍。不得已。乃豎起白旂投降。派人與吳將軍接洽。吳將軍命先繳軍械。才允下令停戰。曲同豐全都應允。次日。同豐帶領軍官數千人。親赴軍前投降。吳將軍派副官匯春芝招待。將曲同豐解往

保定。請曹經略使發落。同時十五師旅長齊寶善等。派員至軍前接洽。稟稱此次奉令出兵。實迫於上官亂命。今已與本軍脫離關係。願與直軍一致。現領十五師全軍。聽受貴將軍指揮。吳將軍大喜。又接收了十五師。旋接到琉璃河捷音云。敵將陳文運。率衆來犯我右翼。當用機關砲將陳文運轟傷。敵軍潰敗。拋棄槍械子彈無數。已向團河退去。此一路戰事。完全告終。吳將軍大喜道。吾之部下。勇敢如此。何懼老段小徐哉。自此軍威大震。勝券可操。再說段芝貴探悉前軍失利。曲同豐已降。十五師全軍尙駐原防。却未悉接收之信。遂帶領一軍親赴前敵。先命旂牌官傳諭十五師云。本總司令親抵防地。與各將士面籌方略。飭十五師各將士預備迎接。那旂牌官到了營中。大模大樣。傳了口諭。齊寶善笑道。好好。我們正要迎接總司令。虎駕煩你引道罷。便手起一刀。將旂牌官殺死。卽帶砲兵一隊。先在防線要道。架起大砲。一面整頓軍事。排隊而出一面。

通知大營。請吳將軍率兵接應。且說段芝貴差旗牌官傳諭之後。遂與監軍阪西利八郎。帶領定國軍一師。擺着嚴整隊伍。一路而來。約離數里。忽聽霹靂一聲。一個大砲彈迎頭打來。轟然炸裂。前隊已自四分五裂。尸骸枕藉。兩位名公。都唬的目瞪口呆。兩翼兵東逃西散。段芝貴出其不意。約束不住。正在慌亂之際。忽聽得喊聲大震。都叫道。快拏賣國賊。槍子如雨點射來。芝貴大驚。從高上跳將下來。棄了黃纓軍帽。扯去肩章。抓起一把黃泥。塗在臉上。雜在亂軍中。逃去。阪西利八郎。逃的稍慢。被槍彈穿胸而死。所有敗兵。俱隨段芝貴跳上火車。逃往團河而去。西路段軍。完全掃盡。當西路敗軍之時。正東路總指揮徐樹錚喪師之日。話說樹錚親臨前敵。下令先攻揚村。與直軍東路指揮曹鏌決戰。邊防軍魏宗瀚。李進才等。共帶邊防軍一萬五千人。分三路由張賊蔡店皇后店進攻揚村。直軍前敵司令王承斌。率旅長張福來。董振國。督隊萬餘。

人抵禦。兩軍大戰於揚村之北。槍砲齊鳴。子彈如雨。直軍極爲鎮靜。段軍兵士多不欲戰。惟被上官逼迫。不得已乃不問方向。子彈亂發。戰至夜半。又換生力軍。再接再厲。重復大戰。聲震山岳。死傷盈野。大戰一日夜。方將段軍擊退。直軍已佔優勝。在揚村吊橋之兩旁。排列大砲多尊。以資禦敵。而此間恰有某國防軍駐札。與爲比隣。見邊軍失利。便出而抗議。非將大砲移走不可。並聲言兩方不准在鐵路兩英里作戰。直軍不得已。只好移去砲位。望後退走。誰知退無半里。忽然喊聲大震。段軍大隊起來。槍彈如雨。勢極洶湧。直軍因左右翼已被截斷。不能聯絡。只得。以機關槍押後而退。段軍遂隨後猛追。直軍退至李家嘴地方。却也死亡甚衆。徐樹錚親自臨陣。左右翼揮軍前進。直軍勢將不支。忽然喊聲大起。直軍大驚。幾乎潰散。却原來是奉軍先鋒隊張作相援兵到來。直軍總司令曹錕等大喜。急下馬歡迎。張作相答禮道。奉家兄命令。帶二十七八兩師。

進關。吾親領前隊先行開拔。至此。餘軍一二日內卽至矣。曹鏜稱謝。遂合兵一處。徐樹錚值得奉軍已到。不敢深入重地。遂收隊回營。直奉兩軍便列營爲犄角之勢。次日奉軍大隊雲集。聲勢復振。徐樹錚見奉軍大至。頗覺惶恐。急請某國教練官尾郎商議。他係定國軍聘請的總教練官。現充東路監軍。當時來至大帳。徐樹錚道。奉軍勝我數倍。又與直軍結爲團體。彼衆我寡。如何應敵。尾郎道。不妨。營中帶有陸地過山砲。昔在旅順。用此砲戰敗俄軍。明日陣前。待我親開此砲。不難一戰成功。樹錚喜道。全仗監軍大力。若得成功。自當重謝。尾郎自告奮勇。遂帶了五百邊防軍。先到揚村要路。設列砲位。徐樹錚遂領魏宗瀚張樹元李進才宋子揚等。滿架機關槍。候敵軍到來誘敵。使入砲線。時直軍從北倉。奉軍從廊房。兩下對抄過來。樹錚率隊迎將上去。兩方開戰。約一小時。奉軍生力軍先鋒隊。極其勇猛。樹錚便詐敗而逃。尾郎見定國軍旂處。沿途紛紛拋

棄。軍士都向刺斜裏亂竄。知將敵軍引到。遂命手下高掌軍號。虛張聲勢。自己伏在砲後。量好分寸。卸去砲門。砲門中火線早已裝好。先用望遠鏡探看。遠見定國軍陸續過了界限。隨後徐樹錚等亦到。打了一了口號。望本陣旁邊退下。預備得手。好待兩邊衝出。以爲必定成功。奉軍奮勇當先。直軍隨後趕來。但聽軍號盡角一齊吹動。紅旂高揭。軍中張紅旂是砲隊出發。奉軍前隊。雖知開砲。但已進了砲線。退亦無及。尾郎大喜。專待逼近拉火。徐樹錚等都道督辦洪福一戰成功。俱目不轉精的遙望此砲。若是一開。奉軍前隊全化灰燼。直軍雖在後面。亦恐不得完全。誰知成敗由天。不由人算。此時尾郎除了望遠鏡。正欲撥開火機。忽然後面槍聲大作。定國軍紛紛潰亂。正是方思殲敵成奇績。亞父將軍降自天。未如何處接應兵到。且候下回分解。

第十一回 亞父將軍從天而降 賣國賊黨泗水潛逃

話說尾郎正欲拉火開砲。忽然陣後槍聲大起。聯珠子彈如雨點打來。無一虛發。乃是法國利器。打得段軍屍橫滿地。尾郎見了心慌。措手不及。那五百砲隊也四面奔逃。大紅旂也被奉軍奪去。陳勢錯亂。徐樹錚張樹元等連忙禁止。敵軍已近。見旂上大書孚威將軍吳五字。唬的徐樹錚等胆裂魂飛。急將軍帽軍服除去。落荒而逃。但聽後面喊聲大震。賣國賊那裏走。兩人只得跳下通州河去。亮水逃命。尾郎此時棄大砲。落荒逃走。前後俱是敵軍。逃走不及。被吳軍生擒去了。那五百砲隊也活捉了三百餘人。直奉兩軍大獲全勝。原來吳將軍因西路已平。探知揚村戰事不甚得手。親率大隊人馬。從殺虎口抄了過來。竟然使邊防軍首尾不能相顧。遂得此大捷。直軍復得揚村。列下大營。把附近之某國軍隊。一併驅逐。當時曹錕張作相與吳將軍會見。曹錕云。若非將軍神威。則此砲一開。無噍類矣。吳將軍云。同爲國事。分所當爲。命將所獲大砲當場驗看。

砲身週圍紫銅色。砲門上有洋文暗記。此砲開足能延長五十餘里。砲機上又有旅順戰勝紀念。吳云。此砲本國軍向來沒有。今却在段氏定國軍中。一定是某國助逆無疑。曹錕道。初戰楊村。我因顧念邦交。才移開砲位。以免交涉。因此吃了極大的敗仗。那知某國人竟如此可恨。吳將軍又命將所獲之邊防軍。連那個尾郎。俱押上來。吳將軍略問數語。回答的話都不明了。原來都是某國人改辦。所以不能說中國話。尾郎還會中國語言。實認邦助定國軍不諱。衆人大怒。俱欲開槍奉敬。吳將軍道。匡證確鑿。自有國際公法。命逐一記了名冊。立傳隨營照相進來。在空地上把一斑某國人逐一攝影。以便通告各國。請外交團公決。爲最後之交涉。攝影畢。遂命押往天津公園拘禁。自後定國軍一蹶不振。徐樹錚等。出水逃回京城。從此東西兩路。俱無段軍蹤跡。吳將軍大軍抵長辛店。卽將四面潰散段軍。命參謀長李濟。臣設收容所。勒令繳械遣散。話說直督

曹錕自收降曲同豐暨十五師齊寶善後。前敵捷音絡繹而至。忽然接到德州驚信。有山東濟南鎮守使馬良助逆。攻打德州。十分猖獗。直隸第五混成旅長商德全。勢力薄弱。只得向保定告急。曹錕急飭前敵調旅長王承斌帶一軍赴援。其時直奉兩軍聲威大振。竟有一鼓而下京城之勢。依了張作相主意。便要乘勝進京。分佔近畿各地。吳將軍恐驚動總統。且大軍紛紛入城。必致騷擾民間。遂議派代表進京。酌量所駐地點。稟明總統。然後再整隊入城。方無障礙。衆皆贊成。時段合肥尙不知前敵敗信。因京城所出報紙。俱係安福部機關報。連日軍事消息。俱載皖勝直敗。弄得老段糊裏糊塗。如在九里霧中。團河爲老段住宅。新招邊防軍都在那裏練習。由某國人教練。老段這日親臨團河閱看操靶。忽報西路失利。定國軍第三司令陳文運受傷逃回來了。見了老段。歎口氣道。督辦平日信任小徐。得罪天下。今因小徐而失一世英名。殊爲痛惜。末將已

受重傷。是不能報效的了。段大驚。細詢戰况。文運略述一過。老段歎道。不料堂堂定國軍。竟敗於曹吳匹夫之手。報西利如何調度。香岩那裏去了。文運恨道。板西利矮子。不過與小徐狐羣狗黨。哄騙督辦。混些銀子。用用罷了。豈是眞有實學嗎。如今已成了肉醬。段司令只知妄自尊大。作福作威。激成兵變。僅以身免。也逃回來了。老段一聽。氣的目瞪口呆。忽見探馬報道。直軍已分兩路來襲團河。聲稱捉拏賣國賊。老段一驚。幾乎跌下座來。吃言道。這這將如何是好。陳文運道。督辦放心。趁此急走。還來得及。直軍上岸。末將當以死抵擋。老段遂帶了一隊衛兵。由某國人保護回京。到了段府。見段芝貴已逃回來。滿面灰土。渾身泥塗。形狀十分難堪。老段便問香岩如何弄得這個樣子。芝貴道。全是徐樹錚那厮。平日結黨營私。擅權賣國。得罪天下。以致軍心離叛。老曲味心降賊。劉詢不知去向。齊寶善據全師順了吳佩孚。開砲打自己人。倒戈相向。才弄得

全軍覆沒。板西利監軍大概是陣亡了。只剩了小姪一人回來。見叔父請罪。老段聞言。氣得一言不發。正在憤恨之間。張樹元保徐樹錚到。也是軍帽肩章全無。渾身上下全都盡濕。老段見此情形。只覺氣往上沖。兩眼一瞪。暈倒在地。左右急忙用人參湯灌救。扶掖入內。小段小徐自覺無顏。溜出府門。尚別處去了。自此消息一傳。安福部人人自危。曾毓雋。李思浩。丁士源。王邱隆等。惟搜括部款以圖逃走。同時段黨四出運動。除山東馬良出兵攻德州外。山西督軍閻錫山亦派兵出娘子關。擬北上助段。爲豫軍趙傑所阻。及聞段軍失敗。乃收隊而去。後曹錕聞之。遂與閻錫山有隙。還有一個不識進退的吳光新。表面上雖是頂看個湖南督軍兼省長的空名。却是現任上游總司令。兵權在握。勢力充足。久居鄂境。直皖交闕時。他也執着中立態度。無偏無倚。因接樹錚密信。令其秘密圖鄂。以拊豫直之背。則控制長江。贛蘇自顧不暇。不能爲直派之助。再聯皖

督北上。北有邊防軍。南有鄂。東魯西晉。將曹錕陷於四面楚歌中。擒之如探囊取物。曹錕擒則八督聯盟散。督辦武力統一之整策成矣。事濟許以鄂湘贛三省巡閱。湖北督軍爲勞。吳光新起初本不在意。却被一班段派政客。再三攪撥。天下事無不可爲。大丈夫當見機而進。時不可失。閣下爲督辦至戚。尤當爲督辦效力。因皖派團體。倘能發展武漢。則兩有神益。吳光新竟被說動。登時得到鉅款。遂密調上游防軍。分駐京漢路線。暗地與張敬堯聯合。招集散兵。徐圖進取。又派員赴滬。向某國購辦軍械。自後吳軍紛紛到漢。聯絡不絕。此時武昌尙在戒嚴期內。王督得偵探報告。早已留神。遂差副官質問云。貴軍連次到漢。所駐地點。侵佔我防地。是何故也。吳以防匪答之。副官回省。據實覆王。王笑道。本省防軍。素有紀律。何來土匪。卽有宵小不逞之徒。亦不須客軍越俎代謀。我自有道理。遂開軍事會議。請吳光新會勘兩軍防守地點。以免彼此誤會。吳光

新坦然不疑。竟帶衛兵數人。到省至軍署下馬。由軍署招待員導至官廳。見兩面空設座位。並無官僚。中間惟坐王督一人。心甚詫異。免強上前握手爲禮。王督問道。閣下客軍。何故佔我防地。吳云同爲防匪。何分彼此。王督云。剿匪乃本軍責任。何煩貴軍代勞。吳光新被駁一句。登時變色。遂云。此非本意。乃奉督辦命令。王督笑道。我也知你是奉督辦命令。然無端調動軍隊。顯係不軌之舉。我當照律而辦。得罪你了。卽命兩副官。押至後操場。另拘一室。這是莫恃冰山堪永靠。豈知法網固無情。未知後事如何。且待下回分解。

### 第十二回 施詭計務送中華國 拏罪魁咨文公使團

話說吳光新旣已被禁。其部下問變。連夜在大智門爲亂。但軍中無主。烏合之衆。不能成事。當經省軍鎮住。繳械投誠。其別部在劉家廟一帶焚掠。經回省直軍司令李奎元收撫。給資遣散。自後京漢路綫。便無皖軍蹤跡。其時安福派政

客南下者極多。內有一位素有重名之政客。現充衆議員秘書。姓顧名鰲。亦奉老段密札。小徐密信。命往南京運動齊燮元之軍隊。事成許齊燮元爲蘇督。已爲省長。誰知齊燮元不爲動。將來意密告李督軍。立命偵騎數人。將顧鰲拘住。搜其行李。內有致上海王揖唐書一封。書中係囑王揖唐。致民黨韓恢居正等。糾合內地土匪。以便起事等情。李督搜得證據。一面將顧鰲監禁。一面發電滬上各國領事。宣布王揖唐謀亂罪狀。請協力緝拏引渡。又致密電國務院。搜查王揖唐在京住宅。於是這一路破壞主意。又無形消滅。同時奉天亦發生一種內亂的奇聞。幸被偵探破獲。原來是直皖未戰之前。安福部曾毓雋。派一政客名姚步瀛。乃大理院長姚震之姪。携鉅款十二萬。秘密至奉。運動軍隊。招募當地土匪。使擾亂中東路線一帶。初意使奉省內亂。發現軍隊不敢外發。後見奉軍紛紛入關。京中又去一電。令其趁張使起節之時。預備起事。如款項不足。已

飭哈爾濱綏北木植公司。卽日匯來。事成卽以奉天督軍兼省長酬勞。不料此電誤送營務總辦姚禹臣處。姚總辦譯出電文。密報張巡閱使。張使得報。立派偵探。帶領衛兵數十人。鋒擁至所設機關部。將姚步瀛挈住。搜出定國軍第三軍委任狀一紙。花名簿一冊。當卽發軍務處審問。姚步瀛見證據確實。無可推諉。只得供認是段督辦主使。徐樹錚參謀。曾毓雋介紹。張使得供。命將姚步瀛監禁。緝拏同黨。故此謀又被。這是段徐惡貫滿盈。陰謀雖多。全行敗露。只有山東馬良。攻打德州。出其全力。將商旅逼走。退駐桑園。及王承斌救兵趕到。與馬良開戰。將馬良殺的大敗。汚輪。逃回濟南。從此直皖戰事終局。安福勢力。完全推倒。且話老段。自那日氣暈之後。便發了腦氣病。偃臥在床。此時各部總長。俱不到部。都由次長代理。曾毓雋。李思浩。丁士源。徐樹錚。段芝貴等。全向某國運動。打點出亡。平素間一日。要到段府三五次。此時老段臥病。除去自己僕從出

入外。平日要人。一個不見。真是門可張羅。老段不勝其忿。遂命左右去催請了  
好幾次。直至晚上。那徐樹錚段芝貴。畢竟過意不去。便偕同曾毓雋等。來至段  
府。見了老段。問安畢。段公發話道。你們都好。如今弄到這個地步。把我一世英  
名。付之流水。然將來大局如何收拾。也要大家想個主意。才是。曾毓雋道。勝者  
王侯敗者囚。古有名言。收拾大局之事。我等已失效力。儘可不必。李思浩道。這  
全是當初不肯退讓。一定要主戰的。不是才鬧的一場糊塗。徐樹錚道。當時主  
戰最力的。第一個就是我。你們俱沒甚相干。如今已敗。你們快上辭呈。這幾日  
還來的及。萬一曹張進來。我們便是罪犯。那就來不及了。我本是第一個罪魁。  
我的宗旨。另有別的意見。一人犯罪。一人當斷。不拖累傍人。在此不便宣佈。督  
辦請安心罷。多推在姓徐的一人身上。便了。段公見這班寶貨。並無一策。便歎  
了口氣。一言不發。時有段四公子在座。聽了好不耐煩。說道。諸君未戰之前。說

得天花亂墜。今日敗績。便你我相推。竟無一策解決。累及家父。犯了腦病。請諸君自問。於心可能安嗎。衆俱嘿然。惟樹錚不服。說道。你莫說這等昧良的話。我等破命與直派相爭。爲的那個。無非替姓段的撐持門戶。固督辦的勢力。成敗當委之天命。何能埋怨我等。我已經計窮力盡。自顧不暇。那有甚麼善策解決呢。我剛才已經說過。管有何罪。都推在我一人身上。刀鋸斧鉞。我自當之。這也就算說到家了。別無良策。聽之而已。說罷。也不告辭。拂袖而去。老段聽了這套言語。氣得發昏。曾毓雋等也就起身說道。我等也是一點主意沒有。請各人想法罷。遂告辭聯袂而出。老段見了。又是一氣。發恨道。這全是我目不認人。誤國適以自誤。何面目再去見人。遂取出手槍。便欲自戕。四公子急來槍奪。砰然一聲。那彈子已向屏後穿去。次日段公臥牀不起。公府聞信。徐總統便差張懷芝前來探望。關人報進。段公命四公子招待。引入臥內。段公一見懷芝。不覺而淚

交流。哽咽而言曰：悔不聽老弟之言。致有今日。祺瑞當真是老糊塗了。張懷芝道：督辦當時過聽了這班小人的言語。以致直皖決裂。小弟再三相勸。無奈督辦先入爲主。反疑小弟是壞人。如今也不必再提了。段公道：都是我失了眼色。錯識了人。如今可有甚麼法子收拾殘局。老弟可肯賜教。懷芝慨然說道：督辦既已悔過。小弟倒有十計。段公道：計將安出。懷芝曰：不如督辦先上辭呈。再通電全國。把罪名全都推在那班小人身上。然後我到直奉兩軍那邊。前去議和。請大總統明令。飭雙方停戰。那時他們與督辦都有交情。必然好商議的。段公道：如此就請老弟費心罷。隨便他們提出甚麼條件。都可依從。懷芝道：我去便去。你千萬不可失信。段公道：此番因袒護這班小人。弄的身敗名裂。悔已無及。還有甚麼失信。當下親自擬了四款求和條件。一、罷免徐樹錚。二、解散邊防軍。三、解散安福部。四、解散新國會。懷芝遂袖了四款。回覆徐總統。徐總統道：芝泉

第四款。有些不妥。我這個繼任總統。是由新國會所選。我却無權解散。我替他改一改罷。便改爲撤換三總長。當派靳云鵬傅良佐同去。張懷芝等。辟出公府。搭火車到天津。先見曹錕。看過求和四款。開讀了大總統停戰明令。曹銳當時轉電保定。當日接到曹錕回電。表示贊成。惟須與張巡閱使磋商。靳張回京覆命。從此兩方停戰。遂後段公引咎辭職。請總統褫奪官勳。徐總統批准辭呈。段公發一道謝罪的通電。通告全國。段合肥之事。至此算是一小結束。後來曹張進京。又請大總統下令。懲辦十大罪魁。總統遂頒發命令。褫奪官職。懸賞緝拿。並咨請外交團。聲明此十人爲內亂犯。非國事犯。請一律引渡。以正國法。其時東交民巷靠近華警站班兩旁。更懸有二萬元之賞格。傍列十個罪魁照片。題了各人名字。係徐樹錚。段芝貴。曾毓雋。丁士源。李思浩。朱深。姚國楨。王郅隆。姚震。梁鴻志。其時外交團已得政府咨文。俱以十人均屬權利之事。認爲內亂犯。

立即下令驅逐。使十人便運動某國公使。投入那館。受其保護。後東迭經政府交涉。往返函商無效。風聞十人已備邊防副官某國人。向某公使說安。每名以三十萬兩保險出國者。未知真假。若果令若輩漏網。我國後患方長。願當局者莫疏於防範也。徐樹錚禍國始末。至此告終。至直奉兩軍如何結凍。大局如何收拾。便於徐樹錚不相干涉。故不多贅。正是

可歎華人運不通

連年烽火起元凶

燃其煮豆煎何當

同室操戈矜自雄

割裂山河供國外

搜羅權利飽囊中

同胞一任爲牛馬

且得尙祥作富翁

民國九年十月初版

徐樹錚演義一冊

每冊定價大洋四角

版權  
所有

著  
者

幼

圃

發  
所  
者

東陸圖書局

代  
售  
處

各省大書坊

# 82

247260

# 廣雅書

最新

## 歷代英雄軼事大觀

上海老北門元里八號

尚武精神。強國之本。英雄輩出。代不乏人。本  
 局注意於此。爰將歷代英雄軼事彙編成帙。  
 其中所載有俠客有劇盜有巾幗有異僧有  
 奇丐形形色色。怪怪奇奇。烈烈轟轟。一種英  
 爽凜烈之氣概。躍然活現於紙上。至其情節  
 奇離。筆意遒勁。更不待言。茶餘酒後。手此一  
 編。不但廣見聞。驅睡魔。並可開拓胸襟。激勵  
 志氣。實與尋常小說不同。精裝一冊。定價大  
 洋四角。現售特價貳角四分。外埠加郵費三  
 分。原班奉上不誤。

分售處 上海四馬路啟新書局